

पुखां दय्क तकगु सम्पत्ति, भीगु कला व संस्कृति

पिकाक-भक्तपुर नगरपालिका



पुर्वी देशक तकन् सम्पत्ति, भाषा कला व संस्कृति

पुर्खा दयक तकनी सम्पत्ति, भौगोलिकता व संस्कृति

व्यवसाय

नेपाल संवत् १९८४ काठलागा / २०८० मंसिर ३५ / 2023 Dec. / त्या: १६, दाँडे



नेपाल भाषा क्षाहित्य तःमुंजयाया छणःपौ पिताष्वज्या नपां क्षिक्षणा लः ल्हायगु ज्या छणः

थन्थु दरवार ढाड़ चंथाय् पुरातत्व विभागया पुचः निरीक्षणय

(२०८० मंसिर १३ गते)



६ वडा या ढुब्यांकयग्नु फल्याय् प्वल्हैं चिथाय् उप प्रमुख रजनी जोशी जु



थन्थु दरबार इलय हे दानय् धुंकिगु विश्वास

खपया लायकुलि विश्वसम्पदाया धलःखय् नां जायो चवंगु तस्कं महत्वं जःगु लागा खः। २०७२ सालया तःभवखाचां आना चवंगु यक्व यक्व सम्पदात स्यंकः, थुडः बिला। खप नगरपालिका व पुरातत्व विभागाया मंकःकुतलं अपलं सम्पदात ल्हवनय् कायन् व दानय् धुंकिगु दः। अजनंगुलिं दाडः, ल्हवडः चवंगु दःसा गुलिं थी थी हुनिं याडः ल्हवनय् -कानय् व दानय् ज्या हज्याकय् मफूनि। खप लायकुया महत्वंजःगु सम्पदा मध्ये थन्थु दरबार नं छां खः। तःभवखाचां तस्कं स्यंकः ब्यूगु उगु थन्थुदरबार खप नगरपालिकां लिपिडः दानयगु ज्या न्ह्याकः चवंगु दः।

थन्थु दरबार लिपिडः दानय् ता नगर प्रमुख्या कजिलय पुरातत्व विभाग, विज्ञपुं, प्राविधिकपुं नपां दःगु निर्माण समिति, प्राविधिक समिति बिस्कं -बिस्कं दय्यकः ज्या हज्याकः चवंगु दः। मंसिर १२ गते पुरातत्व विभागाया निर्देशक शौभाग्य प्रधानाङ्गु, प्रमुख पुरातत्व अधिकृत राम बहादुर कुँवर, वरिष्ठ पुरातत्वविविद कोष प्रसाद आचार्य, स्मारक संरक्षण व दरबार हेरचाह अझाडाया प्रमुख अरुणा नकःमि नपां दूर्हाम विश्व विद्यालयया प्रो. रोबिन कनिडः धम नपांया पुचलं थन्थु दरबार दय्यक चवंथाय भायो स्वयो दिल।

पुलांगु भवन थुडः जगया फुक्क अवशेषत स्वय फैगु व स्वकय् फैगु काथं तयो तःगुलिं पुचलं पुरातत्त्विक महत्वया जाँच याकः जक दानय् गु ज्या न्ह्याकय् माली दक नगरपालिकाता सुभाव बिला धःगु न्यनय् दः।

खप नगरपालिकां पुरातत्व विभागापाखं मल्लकालीन पहलं हे दानय् ता नक्सा स्वीकृत याकः जक दानय् गु ज्या हज्याकिगु खः। लायकु लागाया छां तस्कं महत्वया सम्पदा व न्हपा खप नगरपालिका तयो तःगु उगु भवनया फुक्क लागता नगरपालिकां हे खर्च याय् गु याडः बहुवर्षीय योजना काथं हछ्यागु खः।

अध्ययनया त्वहः तयो दानय् गु ज्या लिछ्याड चवनिंगु खाँय खप नगरपालिकाया जनप्रतिनिधिपुं तस्कं सचेत जू। थवनं हाँ राष्ट्रिय कला संग्रहालय तयो तःगु (लाल दरबार नपां) लिपिडः दानय् गु भवलय् नं अध्ययन यायमःगु, युनेस्कोया स्वीकृति मःगु दकः पुरातत्व विभागां पाडःतःगु व अःतक नं अध्ययनया ज्या क्व मचःगु धाधां दानय् मफयो चवंगु खाँ खं खपया जनता सचेत जुयो चवंगु खानय् दः।

थन्थु दरबार दानय् धुंक दरबारलागाया पह (स्वरूप) अभ बांलाङ्गु पक्का नं खः। तःभवखाचां थुडः ब्यूगु दरबार राणा कालीन इलय दांगु खःसा खप नगरपालिकां मल्लकालीन पहलं हे दानय् ता नक्सा स्वीकृतयागु खः। खप नगरपालिकां छुं नं सम्पदाया थःगु हे मौलिक पहलं दाडः ल्यंकः म्वाकः तय् गु काथं दानय् गु ज्या याडः चवंगु दः।

थन्थु दरबार दानय् धुंक दरबार लागाया लूजक हिलिगु मखु खपया जनतात पुलांगु सम्पदात ल्हवनय कानय् व दानय् ता थमनं हे याय् सः, याय् फः धाय् गु ज्या हकनं छकः क्यनय् गु मौका नं जुई। छुं नं त्वहः तयो उगु दरबार दानय् गु ज्या कला संग्रहालय तयो तःगु दरबार थें लिफिलिफी च्वडः, लिपालाकः च्वनय् गु छुट जनप्रतिनिधिपित्ता मर। इलय हे दानय् गु ज्या क्वचाय्कि धाय् गु जनतां आशा याडः चवंगु दः।

पिकाक-खप नगरपालिका/सम्पादक-आशाकुमार चिकंबज्जार, डेस्कटप-धन लक्ष्मी त्यात, आवरण सज्जा-रेणु धवज्, थाकू- भक्तपुर अफसेट प्रिन्टर्स फोन ल्या: ०१-६६१३०४३, इ-मेल- khwopapau@gmail.com

सचिव नीन्यगृगु खप पौ. बःछि पौ(पाक्षिक)

का. रोहितया चीन यात्रा

शांघाइ वानयगु रेलय् (१४ जुलाई)



पेकिङ्ग रेलवे स्टेशन न्हूंगु तिनि ।

थुकिं द०,००० वर्ग मिटर जग्गा डाल च्वंगु द: । थाना नेगूलाख यात्रु पुं द्वाहैं प्यहैं जुय फः । जिपुं थमनं है न्ह्याड वानिगु स्वन्हं थ: वानयगु रेलया डिब्बा पाखय् न्ह्याड खाडा । रेल यंकिगु छुं ई न्ह्यौं नौ जवान कम्युनिस्ट लिगमा सेक्टेरी नपां लीगया खाँ ल्हाडा । खाँ विशेष याडः चीन-नेपाल व भारतया ल्यासे ल्याम्हो पिनिगु विषयया खः । जिमिसं नौजवान कम्युनिस्ट लीगया विषय न्ह्यसः तया अलय वयकं नेपः व भारतया युवक संगठनया खाँन्यड दिल । नौ जवान कम्युनिस्ट लिगया विषय वयकं काडः दिल जिमिसं थः थः गु देश (नेपः व भारत) या युवक संगठनया सियाको दक्व खाँ काडा । जिपुं मध्ये नेम्हा नेपःमिपुं (जि. व रत्ना जोशी), स्वम्हा भारतीय (धीरा, कणिका व मेम्हा छम्हा पासा) खः । वयकपुं स्वम्हां बंगाल प्रान्त याय्पुं खः । भियतनामी, कोरिया व मंगोलियाया पासापुं नपां छन्ह नेन्हूं हाँ है त्वः त वयगु जुल । जिपुं रेलय् च्वडा । जिमिगु लागिं रेलय् नेगू क्वथा मिलय याडः तःगु जुयो च्वना । जिपुं नपां भाय् हिलामि 'ली' भाजु नं दी । जि, छम्हा

बंगाली पासा व ली भाजु छगू क्वथाय् अलय् रत्ना, कणिका व धीरा मेगु क्वथाय् । क्वथा (कम्पार्टमेन्ट) य् सुविस्तां तापाक्क यात्रा याइ पिन्ता मः काथंया फुक्क सुबिधां जः । छगू छगू सीटिय् बिजुली पंखा, लाउडस्पिकर, चियाया सामानत तयो तःगु दः । छगू छगू क्वथाय् प्यंगू द्यनयगू खातात दः । गुकि याउँक देनय् फै । रेलय् अथे बालागु व्यवस्था खाडः धीरा जुं रेलया मेमेगु डिब्बानं स्वयगु इच्छा याता - थव डिब्बा सायद विदेशी तयगु लागिं जक थुलि बालाक तयो तःगुला ? मेपूं साधारण यात्रीतय्ता नं थुलि है सुबिधां जः ? वयकया इच्छा काथं ली भाजुं मेमेगु क्वथा (डिब्बा) नं क्यनय् यंकला । छगू छगू डिब्बाय् छगू देनयगु खाता (बेड), छगू मेच, चिया त्वनय्ता मःगु सामानत (थर्मस, कप, चिया) मोटर पीचलाय়ে ब्बाक्य् यंकः च्वंगु दः । शांघाइया लू पेकिङ्गय् स्वयो यक्वहे पागु खाडा । पेकिङ्गय् स्वयो शांघाइ यक्व यक्व मनूत खाडा । अलय छुं नं यक्व हे तः तः खागु पेकिङ्गय् स्वयो पागु नपां ट्राफिकया हुल नं पेकिङ्गय् स्वयो यक्व यक्व हे, दः ।

बहनीथाय् पीस (शान्ति) होटलय शांघाइया विद्यार्थी फेडरेशनया पासापुं नपां जानय् धुकः शांघाइया म्हासिइका व जिमिगु ज्या इवःया खायैं छलफल जुल । वयकपिसं बःचा हाकलं शांघाइया म्हासिइका पिभवयो दिल ।

शांघाइ चीनया छगू मुख्य औद्योगिक सहर खः । सन् १८४०-४२ या अफिम युद्ध लिपा शांघाइता बेलायत, फ्रान्स, अमेरिका व बेलायती तयसं ल्वाडः थःथः गु भागदक क्वचा थल उपनिवेश याडः तःगु

- नारायणमान बिजुवर्णे (रोहित)

खः । अमिसं उगु इलय शांघाइता Consumption city अधेधायगु छ्यलयगु (उपभोगया) नगर धाइगु नपां हलिमयया फुक्क तःमि-तःमि पुं शोषकत मोजमज्जा याय्ता थाना वडगु, चिनिया जनताता शोषण याय्ता थी थी काथंया उद्योगत चाय्कला अलय दांक, कच्चामालत थःथःगु देशय् छ्वइगु अलय् दयके धुंगु सामानत हकनं यक्व यक्व मूलं चीनय् है हयो मिङ्गु, गुकीं अमिता यक्व यक्व लबः दैगु । अजगु उपनिवेशवादी नीति याडः चीनया उद्योग व्यवस्थाय् तस्कं न्ह्यो छ्वइगु नपां चिनिया जनताया आर्थिक जीवनय् नं तस्कं चोट लाइगु । उगु उपनिवेशवादी देया पूँजीपतित वयो शांघाइ मनय् है मरु मरु-काथंया भ्रष्टाचार याइगु अथेनं अमिता सजाय याय् मफः ।

उगु इलय स्कूल कलेजय नं अजगु हे काथं ब्बकिगु । अमिसं चिनियाँ तय्ता न्ह्याब्लेया निति सांस्कृतिक दास दयकेगु मति खः । अलय १९१९ मई महिनाय् पेकिङ्गया ब्बनामिपिनिगु संघर्षया समर्थनय् न्ह्यन्हूतक जनता व ब्बनामिपुं मिलय जुयो संघर्ष न्ह्याकला । १९१९ य् शांघाइ कम्युनिस्ट पार्टी निःस्वाना गुगु छगू चकांगू भविष्य वा तातुना ज्वडः निःस्वांगु खः । सन् १९२५ सय् ज्यामितयसं छगू तहांगु संघर्ष न्ह्याकला । गुगु आन्दोलनय् सलंस शहीद जुला । संघर्ष लच्छीतक न्ह्याता । ब्बनयकुथि, कलेज, पसः व कारखानात तिडः तल । छगू काथं आम हडताल थे हे जुल । उगु संघर्षय थ्यं मथ्यं २० लाख मनूतयसं ब्बति कःगु खः । थथे हे याडः शांघाइले १९१९ या मे महिनाय् साम्राज्यवाद विरोधी संघर्षनिसं १९४९ तक हे संघर्ष याया

सचित्र नीव्यगृह खप पौ. बःष्ठि पौ(पाक्षिक)

वाना । अलय् १९४९, २८ मे खुनं कम्युनिस्ट पार्टीया न्ह्यलुवाय् शांघाई मुक्तजुल । अलय विदेशी शत्रुत प्यपां प्यपां चुयो बिसेवाना । अथेनं विदेशी शत्रुतय्सं शांघाई हमला याय्गु त्वः मत । हमला याडं तूं च्वना । तःतः हांगु बमत मुइकः शांघाईता धू याय्गु कुतः याडः च्वना । नपां जिपुं मदय्क चीनं ख्वलं चुइमखु दक ख्याच्व नं बियो च्वना । अथेनं कम्युनिस्ट पार्टीया न्ह्यलुवाय् साम्राज्यवादी तय्गु हमला व आर्थिक व्यापारिक नाकाबन्दीलिपा नं चीनता साम्राज्यवादी लाँपुइ हछ्याडःयंकः च्वना, कृषि, उद्योग व सांस्कृतिक लागाय् अपलं बांलाक हछ्याडः यंकगु खः । गुकिं शांघाईता वीरपिनिगु सहर व संघर्षशील सहर काथ म्हासिइकः वयो च्वंगु दः ।

शांघाईया क्षेत्रफल ५९१० वर्ग किलोमिटर दः । शांघाई सहरय् १२२० डिस्ट्रिक्ट व ११ गू काउन्टी दः। शांघाईया मुक्क जनसंख्या १० मिलियन अथेधाय्गु १ करोड दः ।

औद्योगिक क्षमता

शांघाई चीनया मेगु सहर स्वयो औद्योगिक लागाय् यक्व है हनय् ला । पञ्चबर्षीय योजना तः लाक्यता मू तातुना शांघाईता यागु खः । १९४९ या मुक्कं औद्योगिक उत्पादन २४५४ करोड युआन कोति खः। गुगु १९४९ या क्रान्तिया इलय स्वयो च्याडुगं अपः खः । १९५८ या लामो कुदाई (Great Leap Forward) या आन्दोलन लिपा १९५९ सं ४८.३ प्रतिशतं उत्पादन अपः जुगु खः ।

दे मुक्ति जुय हाँ (झ्यातुगु) भारी उद्योग १३.६ प्रतिशत जक दतासा १९५९ ख्य् ५२.९ प्रतिशत व १९६० ख्य् ८६.४

प्रतिशत थ्यन । हलुका (यंगु) ४७.२ प्रतिशतं अप्वयो वल । उगु ल्या काथं सिय दःकि मुक्तिलिपा शांघाई झ्यातुगु (तः तः हांगु) व यंगु (चिच्या-चिच्या हांगु) थजु नेगुं काथंया उद्योगता यक्व हज्याकः यंकला ।

इस्पातया उत्पादन १९४९

य् ५१ हजार नेसगू टन

उत्पादन



जुगु

दः :

अलय्

१९५९ ख्य्

लाख टन

पिकाला ।

इस्पातया उत्पादन यक्व बांलाक यंकगु

दः । १९४५ य् दाच्छिया उत्पादन १९५९ या

छन्ह्या उत्पादन क्वति खः । अथेजुगुया मू

हुनि क्रान्ति स्वयो हाँ तः तः हांगु उद्योग व

कारखानात अपलं म्हवँ अलय चिच्या चिच्या

हांगु, बिजुलीया बस्तुत नपां उत्पादन याय

फै मखु । अः कारखाना चलयाय्ता १, २०० टन हाइड्रोलिक प्रेसं १ लाख किलोवाटया जेनेरेटर दय्कगु दः ।

कम्युनिस्ट पार्टीया न्ह्यलुवाय् शांघाईया ज्यामितय्सं कम्युनिस्ट पहलं ज्या

सानय्गु आन्दोलन त्याकला, गुकिया मतलब खः- नुवायगु, बिचःयाय्गु व ज्या याइगु

फुक्क पहः कम्युनिस्ट भावनां ज्या सानय्गु, गुकिया लिच्चवः १९५० य् प्रविधिक आविष्कारया लागिं ४,५७, ००० प्रकारया

प्रस्तावत मध्ये २५, ००० प्रस्तावत स्वीकार यात । १९५९ या स्वीकृत प्रस्ताव १९५८

ख्य् स्वयो ३५ प्रतिशत अप्वः खः । १०६० ख्य् उगु आन्दोलन भन

अपः जुल अलय १४.५ लाख प्रस्ताव या सुभावत मध्ये ४.६ लाख प्रस्तावत, स्वीकार याता । थुगु प्राविधिक

आविष्कारता नेकगू त्रान्ति धाइगु । उगु आन्दोलन ज्यामि पिन्के राजनैतिक विचः

अप्वयो वगु नपां त्हूं त्हूं आविष्कारया लागिं चिन्तन यात, न्हपा उकियाय्गु

कल्पनातक याय् मफः । शांघाईया वाडली छु

धःम्हा छ्म्हा ज्यामि हुक्काड वैज्ञानिक कारखानाय् हाइप्रेसर इलेक्ट्रिक दय्कला ।

थव हलिमय्या विज्ञानय् न्हूंगु खाँ खः । गुगु छगू गर्वया खाँ खः ।

उद्योगय थें जनकम्युन निः स्वानय् धुंक बुं अन्न सय्केगनं अपलं अन्नं सय्क दुकःगु खः । १९५८ य् स्वयो शांघाई बुं अन्न सय्के गुलि १९५८ ख्य् ७.२ प्रतिशत अपः अन्न सय्कला ।

नेपः या ववफालः वांगु अर्थतन्त्र व तैर जिरमेवारी शासकत

विवेक

स्वन्ति नक्तिनि कवचाल ।
सिसाफल व स्वंपिडः मियगु ज्या याडः च्वंपु
किसानतय् गु स्वं-सिसाफल बालाक मिय
मफूत । भारतं दुता हःगु सिसाफल व स्वंचं
याडः नेपः या किसानतय् सं सय्कगु-हवयकगु
सिसाफल व स्वं खं बजार काय मफूत ।
थुगुसी भारतं स्वं दुता मकाय् दक सरकारं
धःगु खः । उगु बुखाँ न्यडः किसानत
लय् गु खः गुकिं किसान तयसं लाखाँ तंका
स्वं पियगुलि लाय छ्यला । अलय् सरकारं
अर्थेतुं स्वं दुकायके ब्यूसेलिं नेपः या स्वं
मचुडः लायँ लायँ हाकुतिन्य् माल । उकिया
दुःख सिंहदरवारय् च्वंपिसं थुइमखु किसान
तयसं नुगः मुइकः च्वंगु दः ।

स्वन्तिया लागिं धायो भारत व
चीनं चायाय् गु पालाचा नं हःगु खानय् दत ।
नेपालय् न्हपनिसे अःपुक छियफैगु पालाचा
व मेमेगु वस्तुत विदेशं हय्के मब्यूगु जूसा
अजगुबस्तु बालाक मिय फैगु खः, थानाया
जनताया लाहातय् ज्या नं दइगु खः ।
सिसाफल, स्वं, पाला, मैनवती थजगु वस्तु
हे पिनय् नं हय्के ब्यू बलय् नेपः या
व्यापारघाटा भन भन अप्ययो वांगु दः।
व्यापारघाटा म्हवं याय्ता सरकारं छुँ हे
नीतिगत ज्या यागु खानय् मरु ।

नेपालं विदेशय् पिताछ्यव फैगु
धात्थेगु वस्तुत मरु धःसां ज्यू । औद्योगिक
विकास जूसा जक उकिं ज्या बिय फै, सामानत
विदेशय पिता छ्यव्यता व व्यापारघाटा म्हवं
याय् फै । अःरेमिटेन्सया धेबा बैद्यकय् मुड
तःगु दः । बैद्यकं व्यापारय् लाय छ्यलः
च्वंगु दः । व्यापारं लबः दयकसां उत्पादन

अप्ययकिगु औद्योगिकरण पाखय् ध्यान
मब्यूतलय् आर्थिक वृद्धिदर थाहाँ वय फै
मखु । आधुनिक कृषि खेती नाः छुयगु व
सःया व्यवस्था कृषकपिन्ता मः काथां तालिम
बिय फःसा जक बुँ अपः अन्त सय्के फै उकिं
व्यापारघाटा म्हवचा याई । सरकारं मकाथं
व्यवस्थापन याय मफूगुलि नेपःया तरकारी
मिइपु किसान तय् सं तरकारी व साँ लहिइपु
किसान तय् सं दुरुया मू काय मफूत । नेपःया
उपभोक्तापिसं भारतं हःगु विषादी दःगु
तरकारी मनसे मगाड च्वंगु दः । किसान
पिसं पिडः हवयकगु तरकारी व दुरु मचुडः
लायँ हवलय् मःगु अवस्था दः । कृषि प्रधान
देशय् थजगु अवस्था वगु धाय् गु छु विडम्बना
मखुला ?

नेपः दे आर्थिक रूपं थुलि कमजोर
जुय धुंकल कि दाच्छिया पिताछ्यव्यगु फुक
वस्तुं पेट्रोलियम पदार्थ न्याय्ता तकनं मगा ।
पेट्रोलियम पदार्थजक दाच्छिया स्वंग्
खर्बतकाया न्याय् मः । उकिता विद्युतीय
सवारी साधनत छ्यलः उकिता मदयकःयकय्
मः गुलि विद्युतीय गाडीखय् भन अपः कर
लगय्याता । उकि गुलि दुताय् हय मःगु
उलि हय मफः ।

विद्युतीय गाडीत अपलं छ्यलय फः
सा पेट्रोलियम पदार्थ छगूजक देशया भरय्
च्वनय् माली मखु । वातावरण प्रदुषण
म्हवचा जुई अलय् जनताया स्वास्थ्य खय् नं
बालाग् लिच्च वई । मुकंखाँय नेपःया
व्यापारघाटा म्हवचा याय्ता अलय् नेपःदेता
आर्थिक रूपं तःमि याय्ता अपलं ग्वाहाली
याई ।

असोज महिनाय् जक बैदेशिक
रोजगारय् वांपु मनूतय् सं छ्ययो हःगु धेबा
रेमिट्यान्स १ खर्ब ३७ अर्ब द्वाँ वगु ल्याचा
दः । उकि हे भीपु मन्त्री त व प्रशासकपु
मख्ख जुयो च्वंगु दः । रेमिट्यान्स अर्थतन्त्रया
भर दः गु सोत मखु । थी थी देशय् युद्ध
जूसा उगु देशं नेपालीपु लिता छ्ययो है वा
थःगु ज्यान बचय् याय्ता थः हे ल्याहाँ वई ।
इराक, लिबिया व सिरियाय् युद्ध जूबलय्
आना ज्या साडः च्वंपु नेपः मि ल्यासे ल्याम्होपु
ल्याहाँ वगु मखुला ? रुस व युक्रेनया युद्ध
लिच्च लाडानि अपलं नेपः या ल्यासे ल्याम्होपु
ल्याहाँ वगु खःसा अःइजरायलं प्यालेस्ताइन
भूमि मदिक आक्रमण यागुलिं आना च्वडः
च्वंपु विदेशी देशया सरकारतय् सं थः थः पु
नागरिकपिन्ता लिता ब्वडः च्वंगु दः । नेपः
ल्याहाँ वयता सलंस नेपःमि पिसं नां च्वकगु
बुखाँ प्याहाँ वयो च्वंगु दः । गुलि ल्याहाँ नं
वय धुंकल । अजगु इलय् विदेशं वडगु
रेमिटेन्स बन्द जूसा नेपःया अर्थतन्त्र गथे
न्हयाकय् फै ?

नेपः या शासक दलया नेता तय्के
देया न्हिया न्हिथं कमजोर जुयो च्वंगुलि छुं
हे चिन्ता व चिन्तन नं मरु । अर्थतन्त्र ल्हवडः
हछ्याय् ता थी थी अर्थशास्त्रीत मुकः,
सेमिनार, गोष्ठीत याडः सुभकावत मुडः ज्या
याय् मःगु खः । भीपु मन्त्रीजुपु विदेशय्
मज्जां चाहिलः ई फुक च्वनि, छुं नं तथ्य -
तथ्याडः मदयकः हच्चवाया भरय् नुवाडः
च्वनि । मन्त्रीत देश श्रीलङ्का थैं जुझगु
खतरा क्यडः जनताता ख्याडः च्वंगु दः ।
अलय् उकी गथे हाचां गायो वानय् गु धाय् गु

सचिष्ठ नीन्यगृगु खप पौ. बःष्ठि पौ(पाक्षिक)

मस्व । नेपाल एशियाया दकलय् गरिबगु देश जु धुडानं नेपःमिपिसं उकिया जिम्मेवार दल व नेतातय्ता लाहापातिं तस्वाकय् मफसा जनता नं उकी दोषी हे खानय् दै ।

नेपः दे प्राकृतिक स्रोतया ल्याखं अपलं विकासया सम्भावना दःगु देश खः । तराई अन्नया धुकु कार्यं दयो च्वंगु थायता आधुनिक कृषि कार्यं बँ याक, विकास याय् फः। पहाडय् सिसाफल, पशुपालन (वस्तुभाउ लहियगु), जडिबुटी, ला, दूर उत्पादन यायगु थाय् कार्यं व वनपां स्वापु दःगु वस्तुत थःता माक्व दय्क आत्मनिर्भर यायगु जक मखु विदेशय् नं निर्यात याडः अपलं विदेशी मुद्रा (धेबा) आम्दानी याय फः। च्वाप्वगुं बः वझगु यचुगु नाः शुद्धीकरण याडः अरब देशय् छोयो नाः लिसेपेट्रोलियम पदार्थ काल बिल याय् फै । दाच्छितकं तु न्ह्याब्लेन्ह्याडु च्वनिगु खुसी बिजुली पिकायो विजुली अपलं छ्यलय् फै । अलय् सरकारं पिकायागु विद्युत मिय धाधां भारतता मियता एमसीसी थजगु राष्ट्रधाती सम्भौता यायता तक लिफमस्वः ।

नेपः या अर्थतन्त्र हज्याकय्गु खःसा नेपालय् उत्पादन जुइगु वस्तुत विदेश आयात यायगु निषेध याय् मः अथेधाय भन्सार अपः लगय् याय् मः। विदेशी सामान स्वयो नेपाली सामान दासा नेपाली सामान अपःचुई, गुकिं मनूतय्ता लाहातय् ज्या दय्केता ग्वाहाली जुई ।

नेपःया सरकारं न्ह्याब्लेन्ह्याडु उल्टा-उल्टा ज्या याडः च्वंगु दः। भीसु देशय् है चिच्या-चिच्या, हाङु फर्निचर उद्योग चाय्कः च्वंपिन्ता नं भ्याटय् दर्ता याकय् बिला । म्हवचा लाय तयो उद्योग चाय्कः च्वंपिसं अन्तर्राष्ट्रिय फर्निचर उद्योगत नपां धिं धिं बल्ला याय् हे फै मखु । अः भारत व चीन

नपां मेमेगु अपलं देश अपलं फर्निचरया सामानत द्वह वयो च्वंगु दः। दांगु व भिंगु जूगुलिं नेपःमि पिसं नेपः यायगु स्वयो विदेशी सामान हे न्याडः च्वंगु खः । उकिया लिच्चवः भन भन नेपाली फर्निचरत बन्द जु जुं वयो च्वंगु दः। देशय् ज्या मदयक च्वनय्मःपुं यक्व दयो वल गुकिं विदेशय् वानय्गु बाहेक नेपःमि पिन्ता मेगु लाँपु मदयो वल ।

सरकारं उद्योगय् जूपिन्ता सहुलियत दरं धेवा त्याय वियमःगु कच्चवा पदार्थया अःपुक बन्दोबस्तयाडः बियगु नपां जलाखाला देशय बजारमालः नेपाली सामान विदेशी बजारय् थ्यंकय्ता बिचः याय् मः। नेपःया उद्योगत च्वछायता सरकारी कार्यालयसं नेपाली सामान छ्यलय्गु नीति लागू याय् फःसा उद्योगत बालाक हज्याय फै ।

छुँ दाँ हाँ तक छुँ छुँ थः ता मः गु कापः थाइगु, अः व फुक्क मदय धुक्कल । न्हपा भीगु देशय् कागज कारखाना, गोरखकाली टायर कारखाना, कपडा कारखाना, बाँसबारी छाला जुत्ता कारखाना थजगु अपलं कारखानात दःगु खः। उकिं नेपः दे लकां, भ्वं व कापखय् थःगु हे तुतिखय् दानय फःगु खः । २०४६ साल लिपा दःपु नेका, एमाले व माओवादी थजगु शासक दलतयसं व फुक्क कारखानात छगू छगू यायां ख्वाखचा मूलं निजीकरणया नामय मियो अःदेशता टाट पल्टे याइगु अवस्थाय थ्यंकला । वहे दलया नेता कार्यकर्तात थः ता विकासया पर्याय धाधां सःसुकः भाषण यायता लज्या मचः ।

देशय् राजनैतिक व्यवस्था हिलां जक मगा । धात्थें जनताया जीवनस्तरय् ह्यूपा मवल धःसा राजनैतिक व्यवस्थाजक हिलां छू हे अर्थ दैमखु हिंदा नीदातक जेल, भूमिगत (सुचुक-सुचुक), दे त्वःत प्रवासय्

जीवनहाडः दुःख कष्ट नयो व्यवस्था हिलय्ता ल्वापु नेतातय्सं अः जनताया आर्थिक अवस्थाय् ह्यूपा ह्य मफूसेलि सकभनं कुंखिडः च्वंगु दः। म्हेगया पञ्च तय्सं बुलुहुँ कपः ल्हाडः ह्यो च्वंगु दः । न्हपा छु छु ज्यायाडः पञ्चत बदनाम जुगु खः अः अजपुं हे ज्या थःता प्रजातन्त्रवादी धःपिनिगु दलं याडः वयो च्वंगु दः। म्हेगः द्वछी धेबा भ्रष्टाचार याता धाइथाय् थौं करोडौया जुयो वगु दः । जनता शासक दलतय्ता विश्वास म्हवँ याडः हःगुया हुनि थवहे खः ।

सन २०२४ य् भारतया आर्थिक बृद्धिदर ६ प्रतिशत व चीनया ५ प्रतिशत जुइला धायो च्वंगु दः । व नेगू दे संसारय् दकलय् अपः जनसंख्या दःगु न्हाप व ल्यू देश खः । जलाखाला दे पाखंया विकासं नेपालं छाय् फाइदा कायगु मस्वता ? भीसं थी थी उद्योगत निःस्वाडः माल सामान पिकाय फः सा बजार मालय्ता यक्व ता ता पाक वानय माली मखु । जलाखाला नेगू देशय् जक मियो नं भीसं अपलं लबः काय फैगु मौका भीता दः ।

नेपः या अर्थशास्त्रीपुं देश हज्याकय्गु स्वयो विदेशी संघ संस्थाया तलब नयो नेपालय् अमिगु स्वार्थ काथं ज्या याडः च्वंगु दः। शासकपार्टी च्वडः च्वंपु अर्थविद्पिसं देयाता भिंजुइगु सल्लाह सुभाबत बियो, नीति नियम दय्कः अर्थतन्त्र ल्हवनय्ता ग्वाहाली यागु जूसा दे थौं याय् थे क्व म्हयो वाडः मच्वनिगु जुई । थःगु तुतिखय् दानय्गु स्वयो विश्व बैड्क, एशियाली बैड्क, अन्तरराष्ट्रिय मुद्रा कोष थजगु अन्तरराष्ट्रिय वित्तीय संस्था पाखं ऋण कायो जक ज्या सानय् फै जक सल्लाह बिइपुं अर्थशास्त्री नं देशया थौंया अवस्थाय् थ्यंकय्ता घाडः छ्वंपु मखु धाय् मछिं । अपुं नं थुकिया जिम्मेवारपुं खः ।

नहू बारवं (Short story) विधा सठबठधी छुं चर्चा

पश्चिमी साहित्य 'शर्ट स्टोरी' नामं प्रसिद्ध साहित्यिक छाग् विधायात भीथाय् नेपालय् खस भाषाया साहित्य ख्यलय् व मेमेगु क्षेत्रय् न छुं भति भारतया बाडला भाषाया साहित्यया प्रचलनकथं व उकिया प्रभावं हिन्दी भाषाया साहित्यय् नं 'कहानी' साहित्य धका: धाइगु न्यनेदु । अथे हे 'शर्ट स्टोरी' शब्दया शब्दिक अनुवाद यानाः भारतया विभिन्न भाषाय् व नेपालया नेपाली भाषाय् नं 'लघु कथा' धाइगु नं न्यनेदु । अले उकिया हे नक्कल यानाः नेपालभाषाया साहित्य ख्यःया सुं सुं मनूतय्सं 'चिबाख' धका: नां छुनाब्यगु नं खनेदु ।

तर बालाक बिचाः यायेबलय् मेपिंसं यगु धायेमा, नेपालभाषाय् ला जिं स्वयेबलय् 'चिबाख' धायेगु उलि त्वः थे मच्वं । धात्ये ला 'शर्ट स्टोरी' नाया बाखं चिहाकः जुइ हे माः धयागु मदु । नोबेल सिरपा कयादीमह विश्व प्रसिद्ध च्वमि अर्नेष्ट हेमिङ्क्रेया रचना 'दि ओल्ड मायन आयण्ड द सी' (ज्याथ व समुद्र यात 'चिहाकःगु उपन्यास' धाइये तुं ताहाकःगु 'शर्ट स्टोरी' धाइपि समालोचकत नं उतिकं दु । बेलायत व अमेरिकाया अंग्रेजी भाषा साहित्य ख्यलय् 'शर्ट स्टोरी' बारे छाग् प्रसिद्ध धाप् नं दु । 'A short story is called short not because its length is short but because its canvass is short' अर्थात् थुकियात चिबाखं धाःगु थुकिया हाकः चिहाकः मखु, थुकिया परिधि वा थुकिं कय्यच्याइगु किपा क्षेत्र चिब्या जूगुलिं खः । किपा क्षेत्र चिब्या धाःगु तुलनात्मक दृष्टिं जक चिब्या ख., अर्थात् नोबेल (उपन्यास धायेगु यानातःगु विधा) व डामा (नाटक) या सिकं क्यानभास चिब्या जूगुलिं जक खः ।

आः खँ वइ, तुलना नं डामा व नोबेलनाप जक छाय् याःगु ? मेमेगु विधानाप छाय् मयाःगु ? थुकिया कारण छु धा:सा 'शर्ट स्टोरी' विधाया संस्थापक व आविष्कारक अमेरिकी लेखक एडगार अलान पोपाखें थव न्हूगु विधाया जन्म जूबलय् वय्कलय् थुकिया विषयवस्तु डामा व नोबेलयार्थं मनूया जीवनयात ल्यःगु खः । जन्मदाता पोया धापूकथं शर्ट स्टोरी धयागु मनूया जीवन सम्बन्धी 'स्टोरी' खः, अर्थात् 'स्टोरी' या टेक्निक डामा व नोबेलया विषयवस्तु ज्वनाः च्ययातःगु खः, छाग् प्रकारं थव न्हूगु हे साहित्य विधा खः । शर्ट स्टोरी धयागु न्हूगु यगया स्टोरी वा आधुनिक स्टोरी जक मखु, छागूकथं 'स्टोरी' नापं एकदम हे पाःगु । (स्टोरीया शैली जक काःगु, विषयवस्तु मेगु हे कथया) न्हूगु हे विधा खः । अथे जूगुलिं जिं स्वयेबलय् थुकियात भीगु भाषाय् 'चिबाख' मधासे 'न्हू बाख' धायेगु उपयुक्त ताया, थव लेखया शीर्षकय् जिं न्हू बाखं धयागु शब्द छ्यलागु दु ।

अथे खःसा अर्थात् 'चि बाख' शब्द हे पाय्यिछि मजूसा 'चिबाख' या सिनोनिम (पर्यायवाची) शर्ट स्टोरी धाइगु हे कारण छु ? थुकिया ऐतिहासिक हे जक कारण दु, मेगु मखु । थव विधाया संस्थापक (एडगार अलान पो) थुकियात जन्म व्यूबलय् च्वय् हे धयागु दृष्टिं (नाटक व नोबेलसिकं क्यानभास चिब्या जूगु कारण) 'शर्ट स्टोरी' धयाबिल, अले व हे नां च्वन । पश्चिमी साहित्यय् ज्याःगु यक्व उदाहरण दु । थनि खुसः व चाःचू द न्ह्यः इटलिया छम्ह कवि पेत्राक थःगु छाग् मौलिक प्रकारया कविता च्वःबलय् वास्तवय् व न्हुकथंया 'ओड' (कविताया प्रकार) जूसां

वय्कलं विनम्र जुयाः थःगु रचनायात कविता मधासे 'सनेट' (इटलिया भाषां चिहाकःगु म्ये) धका: जक धयाब्यूबलय् अज्याःगु कवितायात सनेट धायेगु जुयावन । भीगु नेपालभाषा साहित्यया नं कवि केदारमान व्यथितया 'छवास' संग्रहया कविता व कवि रे.र.नं. स्यस्यया 'मलख' संग्रहया कवितायात भीसं 'सनेट' धायेगु याना ।

उकथं हे फिंप्पंगूगु शताब्दीया हे इटलिया मेम्ह छम्ह च्वमिं (बोक्किकासियों) न्हूगु हे छाग् विधाया रचना 'दे क्यामर्ल' च्वयादीबलय् उकियात त्वःगु शब्द मालाच्वने पलेसा 'नोबेली' (इटलिया भाषाकथं 'न्हूगु') अर्थात् न्हूगु विधा धका: नां छुनाबिल, अले उकियात अंग्रेजी भाषाय् 'नोबेल' धायेगु यात । उगु हे कथं भीसं नेपालभाषा साहित्यय् 'च्वखं' धायेगु यानागु साहित्य विधायात अंग्रेजी भाषाय् Essay (एस्से) व फ्रेन्च भाषाय् Essai (एस्सेइ) धायेगु याः । वास्तवय् 'एस्से' नाया थव विधायात 'च्वखं' धायेगु तसकं त्वः, तर 'एस्से' शब्दया अर्थ ला फ्रेन्च भाषाया 'एस्सेइ' (अर्थ 'कुतः') जक खः । थव विधाया जन्म व्यूम्ह मोन्तेनजुं जिं नं छं च्वयेगु कुतः याना धका: विधाया नां एस्सेइ (कुतः) तयाबिल, अले 'एस्सेइ' शब्दया अंग्रेजी रूप 'एस्से' जुयावन । उकियात भारतीय लेखकतय्सं प्राचीन संस्कृत साहित्यय् दुगु 'निबन्ध' नाया रचना छुं भति 'एस्से' नाप ज्वःलाःगुलि एस्सेयात निबन्ध धयाबिल । तर 'निबन्ध' या अर्थ नियमबद्ध रचना जूसा उकिया अखः 'एस्से' धयागु छुं हे नियमं चिना मतसे च्ययातःगु व्यक्तिगत अभिव्यक्तिया रचना खः ।

थुकथं जन्म व्यूम्ह 'एडगार अलान

सचिष्ठव नीन्यगूगु ख्वप पौ. बःष्ठि पौ(पाक्षिक)

पौ' याकथं थुकिया नां 'शर्ट स्टोरी' च्वंगु खःसा 'शर्ट स्टोरी' या जन्म सम्बन्धी इतिहास छुं भति लुमंके बहजू ।

शर्ट स्टोरी मेमेगु विधाया तुलनाय् यक्व है न्हूगु विधा खः । डामा व प्वेत्रि (नाटक व कविता) प्राचीन कालनिसें वःगु साहित्य खः, लिपा जन्म जूगु 'नोबेल' नं खुसः व चाःचू दं पुला, 'सनेट' न उलि है पुलां, एस्से नं प्यसः व चाःचू दं दयेधुक्ल, तर 'शर्ट स्टोरी'या इतिहास निसःदं थ्यनीन तिनि । 'शर्ट स्टोरी' या मेगु विशेषता थुकिया जन्म पश्चिमी गोलार्द्ध अमेरिकी महाद्वीप्य जूगु खः ।

छ त ।
लुमंकेबहःगु खं, 'शर्ट स्टोरी' जन्म जूगु अमेरिकी साहित्यय् थुकिया शुरु सिक्कं यक्व लिया जूसां नेपालभाषाय् न्हू बाखं पिदंगु भावनात्मक पृष्ठभूमि यक्व है खय् ज्वला: । 'शर्ट स्टोरी' यात जन्म व्यूम्ह एडगार अलान पो छम्ह कवि ख., नेपालभाषाय् न्हू बाख दुथ्याकूम्ह चित्तधर 'हूदय' नं कवि है खः । दकलय् न्हापां प्रकाशित जूगु नेपालभाषाया न्हू बाखंया मितिकथं च्वमि मोतिलक्ष्मी उपासिका न्हापा लाःसां भीगु साहित्यय् न्हू बाखंया जन्म व्यूम्ह चित्तधर 'हूदय' खः । न्हू बाखंया जन्म व्यूम्ह 'चित्तधर 'हूदय' व मेमेपिं शुर्या बाखं च्वमिपिं कवि फत्तेबहादुर सिंह, वैकुण्ठप्रसाद लाकौल व सिद्धिचरण श्रेष्ठ सकलें मूलतः कवि है खः ।

उलि जक मखु अमेरिकाय् छम्ह कविं न्हू बाखं साहित्य विधाया जन्म व्यूगु व नेपालभाषा साहित्यय् कवितय्सं न्हू बाखं साहित्यात प्रवेश याना: नीस्वंगुया प्रेरणा छता है, व खः राष्ट्र प्रेम, भाषा अनुराग व आत्म-सम्मानया भावना । भिंच्यागूगु शताब्दीइ संयुक्त राज्य अमेरिका छगू

शक्तिशाली राष्ट्र जुझुंकूसां पश्चिम यूरोपया देश अमेरिका (USA) यात सांस्कृतिक रूपं छुं है मदुपिं धकाः हिस्पाइगु, डामा (त्रासदी, कामदी फुक्क प्रकारया नाटक), एपिक (महाकाव्यनाप छुं भति ज्वला:गु विधा), यूरोप्य प्राचीन कालनिसें दु, न्हू वःगु नोवेल व एस्से न यूरोप्य है जन्म जुल, अमेरिकायात छिमि छु दु धकाः हेबाय्चबाय् या इगु लि'

म म ॥ ह त
छ ॥ ह
अमेरिकी
कवि

थुकथं अमेरिका न्हू बाखंया जन्म व्यूगु जक मखु, थुकिया विकास यायेगु, शर्ट स्टोरीया विभिन्न तत्व प्लट (क्यारेक्टर (पात्र चित्रणा), सेटिङ (वातावरण सिर्जना), डायलग् (सम्बाद) आदिया न्हून्हूगु प्रयोग नं अमेरिका यात । थुगु है इलय् शर्ट स्टोरीइ छु छु इलिमेण्ट (तत्व) दयेमाः ? प्लट राज्याःगु बालाः ? (थव हे. क्रम्य सरप्राइज स्टोरीया विकास जुल), पात्र चित्रण्य ला हि दपि थे च्वंपि मनू सिर्जना यायेगु होड, सम्बादया अनेक कला सम्बन्धी अने अनेगु सिद्धान्त न अमेरिकाय है विकास जुल, विश्व शर्ट साहित्यया नेतृत्व है अमेरिका है क्याच्वन ।

उखे यूरोपं नं अमेरिकाया थव एकाधिपत्य व्वःथलेत कुतः याना च्वन ।

थव है क्रम्य स्सी लेखक आन्तोन चेखोव छगू न्हूगु योगदान बिल, पात्र चित्रणया क्षेत्रय चेखोव न्हूगु धारणा काल-पात्र चित्रणया उद्देश्य मनूया महसीका बीगु खः । मनूया वसः, ख्वाः, न्यासि वनीगु खँ ल्हाइगु पहः, हावभाव फुक्क पिनेया खँ खः, मनूया धाथ्येया परिचय वयागु मनया

चित्रण खः धयागु दृष्टिकोण ज्वना: आकांक्षा चित्रण यायेगु, अले मनोवैज्ञानिक विश्लेषण यायेगु ज्या यात । थुकथं पात्र चित्रण धयागु मनूया मनया चित्रण जूबलय् मनोवैज्ञानिक विषयवस्तु क्याः च्वयेगु मनोवैज्ञानिक न्हू बाखंया विकास जुल । एडगार अलान पोपाखें जन्म जूगु न्हू बाखंन मूपुला: न्हू प्रकारया न्हू बाखंया विकास जुल, थव विधाया लेखनया नेतृत्व अमेरिकाया ल्हातं पिहां वनाः रसया ल्हातिइ लात ।

अले फ्रायड, युड व आडलर



थगु

दे शः

थः गु

महाद्वीपं छगू

न्हूगु है विधाया

स्थापना यायेगु

बिचाः याना: 'शर्ट स्टोरी' या जन्म व्यूगु खः । अले

'शर्ट स्टोरी' पिदनेव अमेरिकाय् छगू उल्लास है वल, राष्ट्रिय गौरव व गर्वया विलिबिलि जाःगु भावनां प्रेरित जुयाः अमेरिकाया साहित्यिकत (कवि, नाटककार, एस्से-च्वमि, नोवेल लेखकत) आपाःसिनं है शर्ट स्टोरी च्वयेगुली ल्हाः तल, शर्ट स्टोरी लेखनय् विभिन्न प्रकारया न्हून्हूगु प्रयोग न्ह्यज्याकला

सचित्र नीन्यगृगु खप पौ. बःष्टि पौ(पाद्धिक)

थज्याःपिं मनोवैज्ञानिकत व पावलोव थज्याःम्ह प्राणीशास्त्रीतयसं याःगु अनुसन्धान, मनूया मनया स्वंगू तह (चेतन, अर्ध-चेतन व अचेतन मन) या अध्ययन, विश्लेषण याइगु ज्यां मनया अध्ययनं वैज्ञानिक रूप कया: मनोविज्ञान नाया विज्ञानया छगू न्हगू शाखाया विकास ज्गुया प्रभाव साहित्य, विशेष याना: फिक्सन साहित्य वा मनूया जीवनयां अध्ययन याइगु साहित्य (झामा, नोबेल व शर्ट स्टोरीइ) लात। चेखोवं शर्ट स्टोरीइ हःगु ह्यूपालं तःधंगु गति काल, विश्व साहित्यय् नं बाखंया रूप हिल, पश्चिमी संसार (यूरोप, अमेरिका) जक मखु एशियाया जापान, चीन, कोरिया, भारत आदि (विशेष याना जापान) आदि देशया साहित्यिकतयसं न्ह बाखंया विभिन्न पक्षय विविध प्रयोग न्हयाकला थुकिं याना: न्ह बाखं साहित्यय अमेरिकाया एकाधिपत्य कवःदःगु जक मखु, साहित्यय थव विधा आधुनिक युगया मू विधा जूवन।

नीगृगु शताब्दी जवःछि बाखं साहित्यया विभिन्न प्रयोगया ऋम सदिक्क न्हयाना: न्ह बाखं साहित्यय् तसकं प्रगति जुल। प्लट् (कथानक)य् सरप्राइज स्टोरी, प्लटया नायं मनया चित्रणय् स्ट्रीम अफ कन्ससेन्स् शैली, न्ह बाखंया विभिन्न तत्व प्लट, पात्र-चित्रण व सेटिङ् वा एटमोस्फेर (वातावरण) मध्ये सेटिङ् दकलय् महत्वपूर्ण खसेलि सेटिङ् बांलायेवं गात धयागु धारणा ब्रातुया वंगुया फलस्वरूप प्लट है मदुगु (पात्र चित्रण तक नं मदुगु) न्ह बाखं च्वयेगु प्रयोग (छगू मैलिकः कृतः जापानं याःगु व उकियात बेलायतया विलियम सान्समं न्हयज्याकूगु), प्लट, (घटनाऋमया विकासय् सरप्राइज स्टोरीया प्रयोग व विकास (बिलायतया समर्सेट मम्, अमेरिकाया ओ हेनरी आदिपिनि बाखं), बाखंया पात्र मध्ये लेखक स्वयं छम्ह पात्र जुया: च्वयेगु (नीगृगु शताब्दीया शुरुइ जर्मन लेखकतयसं याःगु

प्रयोग, छम्ह प्रमुख पात्रया म्हुत सम्पूर्ण बाखं कनेगु शैली (यूरोपया फ्रान्स व जर्मनी अले एशियाय् जापान शुरु याना: विश्वभर न्यनावंगु शैली) आदि मैलिक प्रयोग नीगृगु शताब्दीइ जुल, भिगृगु शताब्दी शर्ट स्टोरी (न्ह बाखं) या जन्म जूगु शताब्दी खःसा नीगृगु शताब्दी शर्ट स्टोरीया विकासया शताब्दी अभ थव विधायात शताब्दी धा:सां पाइमखु।

न्ह बाखंया जन्म व उकिया प्रेरणां, महत्व आदिया थव चर्चा धुकाः न्ह बाखंया विषयवस्तु व स्वरूप सम्बन्धी छता निता खँ न्हयनेगु उपयुक्त जुइ। न्ह बाखं (शर्ट स्टोरी) धयागु मनूया जीवन सम्बन्धी बाखं धकाः धाये हे धुन। अले नाटक व नोबेल (उपन्यास) नं मनूया जीवन सम्बन्धी बाखं है खः, अभ विशेष याना: नोबेल ला मनूया जीवन व मनूया समाज सम्बन्धी है चित्रण जूगुलिं अर्थात् इतिहास थैं जीवनया हूबह वर्णन मखुसां मनूया जीवन है थैं च्वंगु साहित्य जूगुलिं थुकियात 'फिक्सन' धाइगु खः। अथे जूसां नाटक व नोबेल सिके विशेष याना नोबेल सिकैं शर्ट स्टोरी (न्ह बाखं) छु पा: ? नोबेल मनूया सम्पूर्ण जीवन, पूरा समाजया किपा बी, तर शर्ट स्टोरीइ धा:सा मनूया जीवनया छगू 'स्लाइस या जक चित्रण याइ। (Short story deals with human life, a slice of life) 'स्लाइस' धयागु चानातःगु पाउरोटीया छपा खः, अर्थात् छगल महि (Bread पाउरोटी) मखु, छगू स्लाइस् जक (छपा जक) छपा खः छक् मखु, कुचा मखु, slice ख., piece मखु। अर्थात् छगू अंश जक जूसा पूर्णता दुगु। शर्ट स्टोरी चित्रण याइगु 'जीवनया छगू घटना जक वा छगू पक्ष जक' (Either an event in life, or an aspect of life)। छगू जक घटना क्यनातःगु न्ह बाखंय् घटनाऋम दइमखुत, मत। यक्व घटना दया. घटनाऋम (कथानक) Plot (संरचना) दुसां Novel य

थे यक्व पक्ष मथिसे छगू जक पक्ष थी। अर्थात् छगू जक घटना क्यनाः उकिया माध्यमं मनूया जीवनया वा समाजया परिस्थितिया विभिन्न पक्ष क्यनेगु यायेफु, वा यक्व घटना छसीकथं क्यनाः जीवनया छगू पक्ष वा छगू समस्याया किपा ब्वयेगु ज्या न्ह बाखंनं (शर्ट स्टोरी) याइ।

न्ह बाखं साहित्य विधाया मेगु छगू विशेषता छु धा:सा थुकिइ च्वमि थःगु हे जीवनया व्याख्या वियाच्वंगु दइ। छता धापू दु। (A short story writer is an interpreter of his own life) 'मनूया जीवनया चित्रण' हे शर्ट स्टोरीया विषयवस्तु जुसेलि न्ह बाखं च्वमि थम्ह खनागु जीवन ब्वयाक्यनी। जीवनया किपाया अर्थ मनूया जीवनय् धात्ये जूगु घटनाया वर्णन मखु, जीवन स्वया: जीवनयैं च्वंक काल्पनिक किपा क्यनेगु खः। प्वेतिक्स (काव्य) या बारे प्राचीन ग्रीसया विद्वान अरिस्टोटेलं धयातःगु 'जीवनया मिमेसिस' अर्थात् जीवनया कार्बन कपि मखु, जीवनया अनुकरण जक वा लेखकं सिर्जना याःगु जीवन हे न्ह बाखंय नं क्यनीगु किपा खः। थुकथं न्ह बाखं च्वमि थम्ह खनागु जीवन स्वयागुया अनुभव जीवन सिर्जना याइबलय् जीवन सम्बन्धी व्याख्या मत्तायेक हे पिज्वइ। थुकथं कवियात 'मनय् विलिबिलि जायाच्वंगु भावना प्वंकीम्ह व्यक्ति', कवि सिद्धिचरणया शब्दकथं 'भावनाया सुपाँच्य् कल्पनाया देगा: दनेगु' ज्या याइम्ह व्यक्ति कवि खःसा, च्वाखं (Essay) च्वमि थःगु निजी खँ अनुभव विचार कनीम्ह मनू खःसा, न्ह बाखं (Short story) या लेखकयात थःगु जीवनया व्याख्याकर्ता धायेगु उपयुक्त जुइ।

न्ह बाखंयात पूवंक व्याख्या यायेगु थव लेखया उद्देश्य मखु, न्ह बाखं सम्बन्धय् जिं तायागु छु खँया छु भति चर्चा जक थव खः।

(पलिस्था बाखं गोष्ठी ११२५दँग् प्रस्तुत समीक्षाया अंश) थायम्, पौ ४६-५०



आकाशं नःगु सुपाँय् आकाशय् तंगु सुपाय्

पूर्ण वैद्य

गन वन
गन च्वन
अन है जि वा:गु दु
अन है जि तंगु दु, अनया प्रत्येक वस्तुइ भ्याः किनाः
गन जि पलाः पतिकं थःत भ्यलुनाः प्वकाः;
गन अनहे जिगु माया मतिना वाउँक बुयावयाच्वंगु दु।
लुफि पतिकं,
ईया च्वका पतिकं, इमिके जि पुथं कःगु दु, प्यपुनाः थाःगु दु
छगू वास्तविकता
छगू यथार्थताया पू जिके नं थाःगु दु, तुतिया मिखा थे
गन जि चा- न्हिया थलं जायेक जायेक जीवन तुयाकया
जिगु जिन्दगीया समय सागरं।
सागर !- छगू अनन्त धारत बियागु दु
सागर। जिं लाल कयाः छन्त नं धारत बियागु दु
गन जि सर्गः या जासि जायेक दायेकातःगु अनन्त प्राणया धी
प्रत्येक क्षणयात चक्कुं कुचा कुचा थलाः जि नयागु दु
मदिक्क सलिचाय् तयाः त्वनागु दु।
फय् ! छंके जि थःगु प्राण कयाः
फय् ! - मौनताया छंगु लाशय् हालाः हालाः थःगु ध्वनि
छंत नं जिं प्राण बिया।
गन उत्सुकता वानाच्वंगु अनन्त लैंत दु, अनन्त कुलांत दु
गन जिं प्वाँय् प्वाँय् तुतित कयाः
फय् ! छन्त नं जिं हिरा थे थः थुनातयागु

अनुभूति कियातयागु पलाः ख्वाँय् बियागु दु।
गन जिन्दगी न्यासिवनी
गन जिन्दगी बासं च्वनी, हाली, सन्ती
बयागु अस्तित्वया छगू आभास
बयागु प्रभावया छगू संघर्षरत प्रसार लक्ष्यया
खना जिं थौ-
कुचागु सुपाँय् अनन्त आकाशय्
ताताहाया वनेत स्वस्वं
प्यख्ये न्यनाः थाय् कायेत स्वस्वं, आकाशं नःगु।
आकाशय् तंगु !
मनय् खौ वाली -
आकाशय् ह्याउँक रङ्ग ब्राः वइगु
वा धाकु ब्रेगं वइगु, न्हसला त्वइगु, मलः जुइगु
थव्या कारण छु ?

खः गन वन -
गन च्वन
अनया वातावरणं बुलुहुं जितः नःगु दु, आकाशं थे
तर वातावरण !
जि ला पलाः पतिकं थःत पिनागु छंगु बुँड न्याक छंगु गर्भय्।
आकाशं नःगु पाँय् थे
जि तनागु खः
जि तनागु खः।

(भी १९:१६१:१०९६)

खप नगरपालिकाता न्हयाबलों सफा,
सुग्घर तय्गु सकल नगरवासीतय्गु कर्तव्य खः।

नागया बरदान

छगु देशे छम्ह ज्यापु दाजुया न्हिथं
बुइ पिवा च्वँवनिगु सामा दुहाँ वडगु बेला
जुल, पिवा च्वने मफत धासा सा, दोहँतमेन
नईगु भय मखुसा वा खुया नं यंके फु। उकिं
वुइ पिवा च्वंवने माल, न्हितेसिया नयेत
कलाम्ह वया दुरु तया थकीगु थःगु बुज्या
सिंधल कि व दुरु त्वनीगु हाकनं ज्या याइगु।

छन्हु कलाम्ह दुरु तया थकुगु नाग
च्वना च्वंगु प्वाले न्हयोने तया थकुगु जुया
च्वन। नागया दुरु त्वने दत धका लय्
ताया थव दुरु तया तःम्ह सु वैदृत बरदान
विडगु धका मति तया च्वन।

“थुखे ज्यापु दाजुया पित्याना दुरु
त्वने माल धका स्व वंवले दुरु छपुति मदेयक
त्वना तल। “अहो ! जिगु दुरुत्वना तल
?” ज्यापु दाजु हाल।

“जि त्वनागु खः आ छ वरदान
काय्‌गु इच्छा दुला ?” नागं डग्यन।

“छु वरदान फोने। बरु जि
कमाय्‌याना तयागु दक्को सारे लायमा, थव
हे वरदान फोने” ज्यापु धाल।

“तथास्तु। सारे लाना च्वंगु दु,”
धका नाग वन।



थुखे ज्यापु दाजुया छे वया थःगु
दृकुती च्वंगु लँया तिसा दक्क छम्ह
लँयमीयाथाय यंका गाले याके बिल। लँया
तिसा जम्मा छपाँय याना ज्यापु दाज्युयातुं
बिल ज्यापुया जाहान परिवारपि सकले
अजुचाया च्वन अथेसा ज्यापुदाजुं इमित
ज्गु घटना खँ छुं मकं।

“हाले मते, छिपि सुमुक च्वं”
ज्यापु हकल। लुं छपाय जुसेलि ज्यापु वहे
लुंगात ज्वना बना तधंगु खुसी वांछोया

बिल। थः सुमुक छे ल्यहाँ वया छुं मज्गु
थें सदाथे मागु ज्या याना च्वन।

व वांछोया थकूगु लुं पाय् संयोग
बहे खुसी च्वंम्ह तःधीकम्ह डयां नुना
तल। संयोग, अन गामे च्वपि ४-५
द्यःलात खुसी डयालाना च्वंबले वहे लुं
पाय् नुना तःम्ह डया लाना हल।” अहो,
थव तःधीकम्ह डयाला वहे ज्यापु दाजुयात
विड यंके माल धका मति तया वैथाय हया
विई हल। व ज्यापु दाजुं डा क्या छे
“का थौं डाया तरकारी दयेकी” धका
सफा याके बिल। डाया सफा याना च्वंबले
लुंपाय् डाया भोडीं प्याहाँ वल। सकले
जाहान परिवार अजुचाया लुपाय् हया वहे
ज्यापु नागयाथाय क्यने हल।

“का। स्व। नागं धागु वचन
सत्ये जुल। थुकिया रहस्य जि कने” ज्यापु
न्हापानिसे ज्गु वृतान्त खँ सकसितं धवा
थुइका बिल। सकसियां सत्य यागु कमाई
हे जक सार दु धयागु खँय् मनं तुन।
ज्यापु दाजु हाकनं व लुपाय् यागु तिसातुं
दयेका बल

उलिचिया बाखं थुलि।

श्वप

ख्वप नगरपालिका पाखं पिथाडः च्वंगु ख्वप पौ बःछि पौ ख्य बालागु च्वसु
त बियो रवाहाली याड दिसँ। उगु रचनाया ल्य ज्या याड पारिथ्रमिक बियगु
खाँ ख्वप नगरपालिकाया २०७७ श्रावण २६ गते च्वंगु बैठकं
क्वः छ्यूगु खाँ ब्याक च्वडा।

सम्पादक
ख्वप पौ

ठहयलं लहाणु आशा

आशा कुमार विकंबजार

संस्कृतिया तिसां तियो सम्पदा
न्हयलः च्वंगु छगु पुलांगु नगर खप दे ।
सुथाय् दानय् वं दाफा भजनया सलं फलचाय्
दांक खपया कलाकारपिसं सुथः याता थाडः
चवनि । बहनी धलचा हा हां चायाता तिति
याडः मचातय्ता मामं बुबं थ्यं थ्यें थ्यड
चवनिगु खप दे खः । न्हिनय् ओहो !
धिमाय् या सलं थानाया छम्हा छम्हा मनूतय्सं
प्याखं ख्वाय॑ कायो चवनि । अलय् न्हयप हे
याउँसे च्वंकः बासुरीया सलं मनलय् ताय्क
चवनि । गुब्लें धाँया सलं लाखे तिति न्हयो
प्याहाँ वै । व मात्र तिति न्हइ अलय् चुपांक
चाय्ता तिय्थें याडः चवनि । गुब्लें भैल
म्हा खाकः तं पिकायो चवनि । पछिमाय्यां
सलय् देवीं दैत्य स्याडः क्यनि । अथेनं
भक्तिया सिन्हलं म्हवस्तय् पुकः भाव भक्ति
याडा नं थानाया जनताता भांगः लाइपु
धःसा म्हवँ मजु । ‘पुखां दय्क तकगु सम्पति
भीगु कला व संस्कृति’ हःज्यो चवना अलय्
पुखाया खसलय् दुख्यें नं प्याहाँ वःगु खाँ
भीसं चाय्कं नं मचाय्कं नं समाजय् पिलु
वयो चवना वा बुई दाहाँ चा बुयो वयें ।

थौं न्हुँदैं, दासताया सिखलं चिक्य्
म्वाय्कः शंखधरं साँखालं फुक्क सिया
ऋण पुलः ब्यूगु नपां नेपाल सम्वत जनता
पाखं छ्यःगुया लसताया न्हुँदैं च्याली डाय्कः
वयोचवना भीगु थःगु हे कला संस्कृति कः
घाडः । वहे मूर्त सम्पदा स्वस्वं अमूर्त
सम्पदाया मता जःलं कय्क वहे सांस्कृतिक
नगरी लय्ता प्वंकः चवनी । थाय्थासं थः
मनं थाय् सःगु बाजागाजा, ज्वडः छज्वरागु
नेवः पोशाक, फियो लसताया ख्वःपा ब्ययो
अमूर्त सम्पदाया न्हिलासु पिब्ययो चवनि ।
मानौ अपुं फुक्क छुं नं धिंधिं बल्लाख्य
ब्वति कः वानिपुं थें च्वं । हाकुपरासीया

कापः या थी थी बानाया नं मिसातय जक
मखु मिजं तयनं अथेहे । बुहीम्हा अजि
छम्हा जक र्वाली लहाडः स्वत । नया,
न्हुगु पहः खाडः व छक लज्यां व्व छूत ।
अथेनं न्हुँगु युग, न्हुँगु फेशन तिडिपिसं तियो
जूसा स्वइपिन्ता छुकिया लज्या ।

तथव धेमाय् बाजाया हुलय छथव
ल्यासे ल्याम्हो पिनिगु, ‘धिमाय् बाजा नं
धिंधिं बल्ला न्यफ्कव बल्ला’ धाधां थाडः
वयोचवन । न्हुँगु पुस्तां लःल्हाडः कःगु स्वयो
लकस नं चकां थें च्वं नपां अमिसं थःगु हे
पोशाक फियो वयो च्वगुलिं नं अपलं मनूतय्गु
मिखा आना हे जुडः चवन । उगु धिमाय्
पुचःलय् छम्हा मिसामचा धिमाय्या तालय्
थः न्याकुं कः थें थःगु पहलय् धिमाय् फःफः
स्व थें सरिताचा धःम्हा धिमाय् मुइकः
चवन । धिमाय्या तालय् आना स्वयो च्वंपु
तुति वाला वाला मसांपु कपः व्वः व्वः
छुकः ताल नपां मिलय् याडः अमिता साथ
बियो च्वंपु अपलं खानय् दः फय् नपां वागुजी
साडः साथ ब्यू थें ।

सापलय् लांथुकु स्वं थुकुथुकु सांकः
खाँ ल्हा ल्हां पुचः अजिपिनि उगु न्हुँदैं जात्रा
स्व स्वं छथव पतिकंया मनूतय्गु खाँ मुस्या
प्वथें प्वल थः थः गु माथं मतिखाँ खल्हँ वा
ख्यें थें ख्यडः चवन । खुईचा हे म्वः । खाँ
गुब्लें वा दुल्हाथे दुल्हाई मेमिसं ख्यनि ।
मानौ अपुं ति स्यूपुं आना सुहे मर्थें च्वंक ।
वयकपिनिगु खाँ डाता पोल्हया ता स्वयो
तः जाय्कः ता छा छां यंकी ।

ओहो हूँ मैचा दुवैचाय् म्हयाय्
मखुलाया ? छम्हसिं जासी देशुथे खाँ
देशुई । सुर्वेचाय् भेंचा, कवैचाय् छ्य
चाकलिपंप म्हेतिबलय् फुक्कसिया क्वातुक्क
लाहापा स्वाडः दुनयच्वंम्हा दुमता पिता हे

मछवथें अमिसं व सरिता चाय्गु खाँ धिमाय्
बाजाया पूचः पिन्ता हे मछवसे च्वलय्च्वां
धुं कुं थें कुं कुं यंकल । अलय गुलि खाँ
मथयो तेलकासा म्हेतच्वंपु थें मिखा पिइकः
सुचुकः वानि, गना, गना । अलय चिकुलां
मचाता गां तपुथें खाँ तपुयो छ्वै, उब्ले
भीगु पालाय् जूसा..... ।

बाजा हज्याडः वाड खानय् मदय्
धुंकल अजिपिनि खाँ चमबुनि । भवयं बलय्
घासा लिसाकः थें छम्हा अजिं भाजनय् खाँया
चतामरी क्यल व सरिताचा धःम्हा स्वयो
गुलिजक हिसि दःगु ख्वः, राजमतिया थे
हेक । नासं नं उलि हे लि । मेम्हा अजिं
तान नुतुसुतु नं उलि हे हैं, पाजु पिन्याय्
वसा फुक्क त्वालयया अजि, बाज्या, पाजु,
मल्जु धायो पलखः दाडः खाँ ल्हाडः वानि ।
खाँ नं गुलिजक ताइसे, स्याच्चुसे च्वंगु ।
मेम्हा अजिं पन्योचां जा ताथें ताडः धाल-
आखः नं तस्कं बांलाक ब्वनिम्हा हैं या ।
स्कूलय नं न्हयाब्लें न्हाप हैं । उखुनुं व
आखः ब्वंगु कलेजय् धेबा पुलय् म्वाय्क
नगरपालिकां पुलः बिला हैं न्हापा लागु
लिं । वाता फुक्कसिया यो हैं । अुखुनुं
जिमी छ्य भाजुता धः वां बलय् छु मस्या
पास मजुइक न्हयाथिन्योम्हासिनं न्हयाथाय्
नं धः वसां वानय् हे मखु दक च्वं च्वंम्हा
हैं । मेम्हा अजिं तान- धःवतलय् ग्यं ग्यं
धाय् चवनि । अलय ल्यासे गाल वाडानि
बुहाम्हा भत तिडः वानय् माली अलय
सिइकः । हकनं उम्हा अजिया खाँ त्वाल्हाडः
मेम्हा अजिं खिप प्यन- अः न्हपा याय्थें
इही परासीचा सिकः बियो छ्वैला ? थःगु
तुतिख्य दानय् मफ्यकः । अलय हकनं
मेम्हा अजिं न्हयल न्हयल धाल-लासा अमिहे
यःक तःपुं दला छु छु कः । थौं कन्हे

सचिवत नीन्यगृगु खप पौ, बःष्ठि पौ(पाक्षिक)

आखः द्वैं खाँ वां पासा दयकल लिपा जीवन पासा याडः छ्वत । खाँ नपां सुजद्यो थाहौं थाहौं वयो धुसी लुइन । अजिपिनि मयल छैं हाल च्वन ज्वी धा धां पूजा धकीचा ल्हाडः द्वैं वगु खाडः आनाया लकस छक वाता हाँ च्वन ।

ई न्ह्याडं तुं वान । अथेयां ई सुनं पानय् फै ला ? ई नपां समरुया गुलिं चुलिजायो वै । गुब्ले गुब्ले वहे समस्या थः ता ख्याडः है बलय् मनय् दुनयया आत्मविश्वास या मता है सीला धाय्यें च्वडः वै । पाडां पानय् मफय्कः पाखुयां पाखुय मफय्कः ।

सरीताचा जागीर नः वाना हाँ । मेगु बुखाँ प्याहाँ वल । लच्छीया नीडाढ्व तलब दः हाँ । सहकारी संस्थाय् । आना व्याज नं यक्व ब्यू हाँ । अजि बाज्या पिसं धायो तकगु ‘मारी क्यडः क्वलाइगु, लाजा सुकाय् चिडः बखुंता नकः बखुं लाइगु खाँ न्य जक न्यडा, ब्यवहारय् मछ्यलकिं दुःख जुइगु फुक्क सिनं स्यू । सरिता चाय्गु वहुउद्देशीय सहकारी व्याज यक्व बिइगु खाँ सरिताचाय् म्हुतुं थः थिति हाता-नाता जलाखाला फुक्कसिया न्हय्पतय् थ्यंकल । छम्हा सिं मेम्हासिता काँ कां फय् थे डाडः वान । छक्का-पञ्जा स्वय मन्यांम्हा सरिताचाय् मनय् छतिं है पाप मरु । अलय् ख्यैं छैम्हा माखां थमनं तु ख्यैं नययो पुं नं दययो धाय्गु खाँ धःसा वं चाय्के मफः । व पाजु पिन्थाय् वसां अजि बाज्या पिनिगु जालय् प्वः चिडः तःगु धेबा सहकारी तःसा मालिबलय् लिकाय् दैगु जक मखु ख्यैं नं छ्यकः माखा व खाचा ज्वडः वय दैगु खाँ काँ कां व ज्या सांगु बचतय् मुनय् यंकल । बाज्यापिनि गुथि मुडः तःगु धेबाया व्याजं मँचा दुगुचा ल्हाय् म्वाय्कः नय दःगुलिं धःसा घापतिकं म्यैं हाल नयो च्वन । दाफा भजनय् दत्त तयो तःगु बुनं मियो आना है सहकारी मुनय् यंकल । सुथाय् भजन

हालिबलय् च्या त्वनय्ता दाफा पुजाबलय् मैं तः हिम्हा स्याय्ता नं दःगु ब्याजया सबः नेदा प्यादा माकुक है नल । व सहकारी चलय् याडः च्वंपुं सु ? छुं है च्यूता मरु । मात्र छम्हा सरिताचा खाडः च्वन । गुलिसिया बुँम्यूसा सरिताचा व्याज या खाँ काँ वानिगु जुल । अजिया तिसा, अमाया सिखः पुक्क फुक्क व्याजया खिपतं त्वकः सरिताचाय्गु बहुउद्देशीय सहकारी मुनय् यंकः च्वन ।

सरिताचा अः ताँ थे जुल । अजा-अजिया जालय प्वःचिडः तःगु बृद्धभत्ता, तरकारी न्यथु म्हूगु, काय्-म्हायापिसं ब्यूगु भाति भाति धेबा फुक्कसिया मन त्याक च्वंम्हा सरिताचाय्ता दुड्गाचा याड साँस्याडः धुं पोसयाथे त्वःबः-थ-थितिपिनिगु धेबा थुखलं उखय् उखलं थुखय् या क पार तरय् याकः च्वन । हेयक नं ल्हय्यकः च्वन । महेयक नं ल्हय्यकः च्वन । लच्छिया हि खुर्का ल्याखं व्याज, साधारण सभाखय् पार्टी प्यालेसय यंक, खसीया ला तयो डिनर नक बलय्यां बुहाबुहीपुं स्वर्ग है थ्यूगु थे ताय्कल । भन धेबा मुड तः पिन्ता सुकुन्दा छ्गः नं मतिनाया चिं ब्यू बलय् तुतिखं बायँ है मथिइक जुल । खन

सुनं थःगु नां कायो अथे सम्मान मयापिन्ता लसताया भूतिमा ब्वयकः ब्यू बलय् आना धेबा जक मखु नुगः है ल्हवयो बियला धाय्गु मति तल । स्वंमः व्यखाय्क सिन्हं तिकः हानय् ज्या याबलय् सरितां धःगु फुक्क फुक्क खाँ ख्यैं मसलात ताडः ब्यूगु थे जुल ।

स्यडाखां मैता जुयो जूम्हा सरिता चां तिसां तियो छ्याय्य एवादानि मखु । मिसाया तिसा बाहेया नसाजक बचतय् तःसा घ्यो व जा नय् दै । बाज्या अजिया बृद्धभत्तां दूर व जा नय् दै ! बुं मियागु धेबां निं निं भवय नः थे नय् दै ! धगु ब्यसचां डा क्यंकिगु खाँ गनां है मखां । फुक्कसिया मनय् अविश्वासया ख्यूंगु सूपायँ चां गनां है भूं वैये मताय्क, मच्वं ।

ई चुलुयो वांलिसे वहुउद्देशीय बचततनं वाचिगःथाय् चुलुये चुलुयो वल । डाम्हाय् पलातःपुं ग्वःतु थे अजगु बचत संस्थात नं भ्यारा भ्यारा दल । गुम्हां स्वन्हं कुतां वगु गुम्हां भीरं है तुल वांगु खाँ न्यनय् दःसेलि सरिताचाय् म्हाय् ज्यू है मरु थे जुयो वल । त्वालय्-त्वालय् जनताया जनप्रतिनिधिपिसं समूदायया लिधंसाय् चाय्कः तःगु बचत संस्थाय् जक धेबा मुनय्गु



सचिष्ठव नीन्यगृगु ख्वप पौ. बःष्ठि पौ(पाक्षिक)

योः धःगु खाँ यां अः ख्युंथाय् मता च्या
बलय् तुइजला दयो वगु थें जुयो वल ।
सरिताचा नाखं लिकायो तःम्हा डा थें
फाटाफाटा जक पुल च्वन ।

धेबा मुडः तःपुं अजिबाज्यापिनि
म्हाय् करन्ट ज्वंगु थें पिइयो वल । खाँ न्यॅ
न्यॅ नुगलय् कायॅ हाल हल । सरिताचा
धेबा मुनय यंकगु सहकारी बिसे वान हैं ।
अमिगु अफिसय् मेच, टेबुल, कार्पेट,
कम्प्यूटर छुँ हैं छुँ हैं बाकी मदयक खापा
तिडः बिसे वांगु खाँ न्यनयवं क्वथाय कुडः
मन्ता कुँथाडः सास्तियागु थें वाथा वाथा
कान ग्राहक पुं । लच्छया छकः ब्याज
बिय हैम्हा सरिताचा छत्थुं है खातां थें
तान । म्हेगः थजगु अवस्था वैला ? धाय्
बलय् 'धन्दा काय्म्ब, जि दहे दः नि'
धाइबलय् चच्छ माकूक न्ह्यों वैगु अः
धःसा प्वारय् है सां नैगु जुलला दक अमिम्हा
नुगः या नारांद्यो है थारा थारा वांक ग्यात ।
म्हेग मदिक्क फोन याइगु थौं स्वीज अफ
धायो हल ।

म्हेगः या खाँ हकनं लिफ्यड,
कपायॅ पर्यॅ प्यां मनय् ल्योसियोकय् वर्तु
च्यूथें चिई । मनय् शान्तिया गां थाकि ।
प्वारय् पैया बारं खुई । अथेन द्वहँसां थःगु
प्वाचा ल्यकिथें ता है मतायक्ल अमिसं ।
म्हिचाय् थ्युसा म्हिचा प्वन, सुयाय् गु न्ह्यॅः
खालिगु गथे जक न्यंसा तियममदयो सुरक्षा
मदयो त्वयो तया दक ग्वन्हु फय खाँ ल्हाय् गु
दक अजिपिनि मन है मच्वडः वल । अयनं
सरिताचा छकः नपालाय् दःसा गाड वांगु
प्वाथ हकनं चुलि जाइला धाय् गु मति
अमि ।

सरिताचा खानय् है मत हैं । छुँ
नं मरु हैं । थःथिति पिन्थाय् नं गनां है मरु
हाँ बाहा तः बलययां मिसा तय्सं सां खानी ।
अः यां गनां है मरुगु खाँ न्यॅ न्यॅ बुहा
बुहीपिनिगु म्हगसय् मभिंगु म्हांगु खाँ काकां
थःगु कुबुद्धिता म्हुतु ल्हाडः धिकारयायां

तुगलय् न्या मगचां छ्यागु थें ताय्कः हल ।
म्हेगः सरिताचा गनां गनां वांगु खः आना
आना ल्वापुया खाँ न्यनय् दयो वल । दाफाय्
भजन हालेगु स्वयो नायो पिन्ता पुइकेगु खाँ
ल्हाडः हल । गुथीया बाज्यापुं जःसि
लाखुनय् गु स्वयो खाँ खुनय् गु जुयो वल ।
लोभीया देशय् लुच्चा दयां मला धाय् गु थव
है कः दक हःजु पुं नं यक्व दत । फुक्कसिया
लय त्योगु बाबुई प्वं दःगु थें ताय्कल ।
धाकु फसं वा ग्वतुक थें ग्वःतुगु फुक्क
इच्छा चिडां चिय मफूसेलिं म्हेगः तक
तस्कं बांलाम्हा सरिताचा थौं ठग फटाम्हा
जुल । गुलि अजिपिसं जिमिगु नुगः ल्हवकः
नःम्हा वया भःजक मखानय् मः वयागु
लाहा प्यतय् यानय् मः धक सरानं बिल ।
सार्कीं साँ सियमः धायां सीसायां जिहे
जिलनी । देशय उलिमछि भ्रष्टाचारी,
अत्याचारी पिन्ता सकलसिनं सरवियान
यां मरयः । भन चिकं प्यू थें पियो जक
च्वन । तस्कं सोभापुं इमानदारपुं स्वनिगःया
नेवः तय्ता न्ह्याब्लें स्वन्हचाजक याडः
थःगु स्वार्थं तप्यंकिपिसं थजगु खाँ थुइकः है
लाजाखय् सुका चिडः हवली । जनताया
बचतं तू ब्यापार याडः च्वंपिन्ता अकातं
तपुली पुयो चाहिइकगु थव थासय् न्हूँगु रूप
ज्वडः भीगु धेबां पिन्य देशय् ब्यापार यो
वाना धाय् गु न्यनय् दत ।

जनताया ज्या साडः ज्यूपुं
कार्यकर्तात पञ्चायत कालय् भूमिगत जुल ।
जनतां ग्वाहाली यात । तर थौं सरिताचा
कतया जालय लाडः भूमिगत जुल । अथेन
जनतां ग्वाहाली मखु लितु लिडः जुल ।
वं द्वंकलं तपुयो तः म्हा खा थें गनां है वानय्
मजिक कुनय् यंकल । मनयागु बिष नं
लगय् जुइला धाइगु थौं सरिता चाय्ता
अथेहे जुल । द्वुँ कायां द्वमलुम्हा सरिताचा
फुक्कसिता वियागु बचं वाणं थः भीष्म थें
धःता बचन वाणं लाकः च्वनय् माल ।

बचतया खुगू अर्ब ध्यबा ज्वड

बिसे वांम्हा मनू ज्वड हला हैं । मनय् छुँ
भाति आशाया चुलि जायो वसां वाख्व
चुलि थें जक जुइगु फुक्कसिया मति ।
जनताया सरकार जूसा यां धेवा ल्याहाँ
वैगु ज्वी । जिं दाय थेयाय छ ख्वय् थें यो
धाइगु पूँजीवादी सरकारं गथे जनताया
दुःख स्व? खूँ, डाका, भ्रष्ट ठेकेदारत
जक अपः सासद दःगु देशय् जनताया दुःख
स्वइगु जूसा ललिता निवास, लुँकाण्ड,
एमसीसी, नागरिकता विधेयक पास याद्य
है मखुनी ।

सुयाय् गुलि गुलि धेबा लाता,
निवेदन तःवा धाय् गु सरकारया उर्दी वसेलि
बुल खागलं प्याहाँ वम्हा कुकुमाखा थें
हुँसरिता प्याहाँ वयो निवेदन मूजुल । खगः
थः दखय् लाकय्मः धायो तःगु खाँ न्हूँगु
पुस्ताता ध्वाथुइक कानय् मफयो पुर्खा त्वःत
तकगु ज्ञानया खाँ अलय वर्गया खाँ कानय
मफयो सुनं बिला, द्यो वं बिला । सुनं
काकला क्वखं काकला धाधां मचाबलय्या
कासा लुमांक लुमांक, बिइलाया सरिता
चा ! धा धां निवेदने सही तयो च्वन ।

धात्यें म्हेग मतिनाया चिं ब्यूगु
सुकुन्दाय् मता च्याइला धाय् गु छु भाति
आशा क्यडः फक्व कुतः याय् धाधां
सरिताचा थःपुं ग्राहकपिन्थाय् लिई मलाक
ब्वाकः जुयो च्वन । कतं भीगु ख्वः
बांलासा ख्वः छ्यलः ज्या बांलासा ज्या
छ्यलः चाकु क्यडः भुजिं लाइगु खाँ थुइके
मफयो ममरुं ममरुं सति वाडः च्वंम्हा
सरिताचां छुँ लहिडः तःम्हा भांगं पिन्यया
भांगः नपां ल्हाडः कतता ज्वंकय् विइगु
मनय् खाँया खुसी बः वयक मिखालं बः
पिकायो च्वन । थः सरिता (खुसी) जुयो
थःपिनिगु है वा बुंल्हाक जुयागु दुःख सुयाता
कानय् गु ? व अजा अजिपिनिगु ख्व लुमांक
लुमांक फुक्कसिता व खाँ कौं वयो च्वन,
छिथाय् ! जिथाय् !! भीथाय् !!!

२०८०/६/८

ख्वप नगरपालिकाया ज्या भर्वः त

अन्तर नगर ख्यें बलया धिंधिं बला

कार्तिक २६ गते



२ वडाया युवा व कासा समितिया ग्रवसालय हुँदै १९४४ व स्वन्ति नखाया लसताय ख्वप नगर ब्यागु अन्तर विद्यालय ख्यें बलया धिं धिं बल्ला नपां बडा ब्यागु अन्तर विद्यालय ब्वाक वानयगु धिं धिं बल्लाया सिरपा लः ल्हायगु ज्या, भिन्तुना कालबिल ज्याइवः नपां लसः हना ज्या इवः ख्वप नगरपालिकाया प्रमुख सुनिल प्रजापतिया मू पाहाँलय क्वचाल ।

प्रमुख प्रजापति जुं ब्वानामिपिसं स्वन्ति नखाया संस्कृतिनं ल्यकः रचनात्मक ज्या याडः ई छ्यलय् मः धायो दिसे कासामिपिसं कासाख्य् त्या बु याता अःपुक काय मःगु अलय् कासाया लिधंसाय् चकांगु भविष्य दय्केता अपलं मेहनत याय्मः धायो दिल ।

वयकलं राजनीति व कासाता लाड स्वयो कासामिपिसं विपक्षया कमजोरीता सिङ्कः थुइकः त्याक्य फैगु नपां राजनीतिसं प्रतिपक्षपिनिगु कमजोर पक्षता कुंखिडः समाजता हःनय् यंक्य फैग खाँ काडः दिल ।

ख्वप नगरपालिका बडा नं. २ या बडाध्यक्ष हरि प्रसाद वासुकला जुं बडायाकासा हज्याक्यता थी थी कासाता हज्याक वयो च्वङ्डागु खाँ ब्याकसे नगरपालिकाया ज्या इवः त काडः दिल । नपां नखा चखा बलय् स्वस्थ नसा तयो निह्या निहं

ब्यायाम याय् मः धायो दिल ।

नेपाल मजदुर किसान पार्टी २ बडाया एकार्द समितिया इन्चार्ज रत्न काजी नायभारी ब्वानामिपिसं ब्वनयगु नपां छगू नं छगू कासाय दुतिनयमः धायो दिल ।

जिला टेबुल टेनिस संघया नायो प्रेमकृष्ण खुर्जा बडाय् मदिक्क जुयो च्वंगु कासाया ज्या इवः राष्ट्रिय व अन्तरराष्ट्रिय कासामिपुं ब्वलांकिगु विश्वास प्वंकः दिल ।

ग्रवसाखलया नायो पूण्यराम स्वंगमिखाया सभानायोलय् जूगु ज्या इवः सं दुजः पुं अजेन्द्र लघु व ज्ञानेन्द्र मानन्धरं नं न्वचु तयो द्यूगु खः ।

थौं जूगु फाइनल कासाख्य् छात्र(मिजं मचाख्य) हिंखुदा ब्वयया माउण्ट भ्याली ई.सें स्कूलया सोहिन गोर्खालीं प्रोक्सिमा इन्टरनेशनल एकेडेमीया विशाल कवांता बुकः न्हाप जुलसा छात्रा (मिसा मचा) पाख्य् प्रोक्सिमाया नर्मदा खाइतुं प्रभात ई.सें स्कूलया सेफिना कोजुता बुकः न्हाप लाकल । अथेहे हिं न्यदा ब्वयया एभरेष्ट ई.स्कूलया निरल बासुकलां प्रोक्सिमाया रिजन ख्याजुता अलय् छात्राख्य् प्रभातया रखी सुवालं प्रभातयाय् है रेस्नाकोजुता बुक न्हाप जूगु खः ।

ख्यें बल व एथ्लेटिक्सया तःलापुं कासामिपिन्ता दसिपौ, शिल्द व मेडल सिरपां छाय्पिलसा ख्यें बल कासाख्य् उदयीमान कासामिपुं मालाश्री सुवाल (लनर्स एकडेमी), प्रेरित दुवाल (लिटिल वर्ल्ड) ओर्जिन सुवाल (द राइजिड स्कूल) व सफल सुवाल (प्रभात ई-स्कूल) क्वः छित । अथेहे स्पीन इभेन्ट प्रा. लिया ग्रवसालय् जूगु स्वकगु देशब्यागु अन्तर बडा ख्यें बल कासाया धिंधिंबल्ला २ बडा पाखंबति कायो महिला टिम इभेन्टसं स्वर्ण व महिला एकल ख्य् रजत त्याक्यता तःलापुं कासामिपुं व स्यनामिपिन्ता हानय् ज्या यात ।

**नगरपालिका भरीगु हे संस्था खः
इलयहे करपुल ग्रवाहाली याय्नु**

सचिष्ठ नीव्यगूरु ख्वप पौ. बःष्ठि पौ(पाक्षिक)

ख्वप दे हिन्दू व बौद्ध वास्तुकलाया तमिगु दे

कार्तिक ३० गते

थाइल्याण्डया कठिनदाला श्रद्धय भिक्षु समतेच वरधीजाणमुनी (समछाय) नपां थी थी पुचः पाखं सचिष्ठम्हा स्वयो अप उपासक उपासिका व सामान्य थाइल्याण्ड बासीपुं दुथ्यागु छगू भद्य ज्या इवः कठिन चिवरदान व शोभायात्रा जुल ।

मू पाहाँ कठिन दाता श्रद्धेय भिक्षु समतेच बरधी जाणमुति (समछाय) जुं कठिन चिवरदान विधिया उपदेश बियो बिज्यागु खः । ज्या इवः सं ‘विनयमुखं साफू नं चिखी फ्यनय् ज्या नं जुल । नपां रौतहट्या चन्द्रपुर १ य् दानिगु गुल्म जुजु बुद्ध बिहार फरेस्ट्या निःस्वानय् गु ज्या नं जुल । ज्याजुइगु थासय् बोधिवृक्षया सिमा पिय् गु ज्या नं जुल । ज्या इवः सं बरबैरी विनाश भगवान लःल्हाय् गु ज्या, नेपाल थार्ड मैत्री भवन उलेज्या नं यागु जुल ।

ख्वप नगर प्रमुख सुनिल प्रजापति जुं ज्या इवः खय् भः पुं सकल सिता लसकुस यासे ख्वप दे हिन्दू व बौद्ध वास्तुकलाया तःमिगु दे खः धायोदिसेथाना फुक्क धर्म व संस्कृतिया मनूत मिलय जुयो चवंगु दः धायोदिल ।

ख्वप नगरपालिकां फुक्क धर्म व संस्कृतिया सम्पदात राज्यया सम्पदाया काथं डाल-कायो ल्यंकः म्वाकः तयागु खाँ व्याकसे वयकल ख्वपया थी थी त्वालय चवंगु बिहार व चैत्यत ल्हवनय् कानय् याडः वयागु खाँ काडः दिल ।

बौद्ध दर्शन भौतिकवादी दर्शन खः नपां उकीं संसारता स्वइगु मिखा हे पाक ह्यूपा ह्यो ब्यूगु खाँ व्याकसे वयकल छगू छगू खाँयाता भौतिकवादी मिखालं व्याख्या व विश्लेषण याय् ता बः याडः दिल ।

समाजय् तःमि. व चिमिगु वर्ग दः गुलिं हे अपलं मनूतयसं दुःख सियो चवंगु खाँ व्याकसे वयकल सकलसिया दुःख तांकय् ता वर्गविहिन समाज पलिस्था याय् तः धायो दिल ।

प्रमुख प्रजापति जुं धायो दिल-‘गौतम बुद्ध खांगु म्हागसय् समाजय् नं सुयातां दुःख कष्ट मजुइगु उथिंगयं गु समाज खः । लोभ याय् मते, पाप याय् मते, खुयो काय्यमते अपराध याय् मते धाय् गु

नुग ल्वय व उखुम (क्यान्सर) ल्वचं पीडितपुं कर्मचारी पित्ता ग्वाहाली



थजगु गौतम बुद्ध नीखुसदा हाँ बियो बिज्यागु उपदेश थौं नं उलि है डाल काय बहगु व बालागु खः ।'

ख्वप नगरपालिकां फुक्क नगरबासी पित्ता शिक्षित व सचेत याय् ता शिशु स्याहार निसें कलेजत चाय्क वयो चवंगु अःपुक भिंक, बालाक शिक्षा विय् गु कुतः याडः वयागु खाँ व्याकसे वयकलं नागरिकपिनिगु स्वास्थ्य समस्या ज्यंकय् ता छै छै नसिंड सेवा, सहरी स्वास्थ्य ब्लिनिक व सचिष्ठगु शैय् याया ख्वप अस्पताल न्ह्याकः वयागु खाँ व्याक दिल ।

ग्वसाखलः: मुनिविहार भक्तपुर व्यवस्थापन समितिया उपसचिव शिवबालां धायो दूयूकाथं विदेशी विशिष्ट भिक्षुपुं दुतिडः कठिन चिवर दान ज्या इवः जूगु दुर्लभ हे धःसां मपा धायो दिसे थवनं हाँ चिवर शोभायात्रा जक यागु खः धायो दिल । ख्वप नगरया खौमा ध्वाकां दे चाहिल इनाचोय्या मुनिविहारय् उगु पुचः वांगु खः मुनिविहार दायकसभा ख्वप नगरपालिका वडा नं. ७ इनाचोय्या ग्वसालय् जुगु खः ।

ज्या इवः सं प्रमुख जिल्ला अधिकारी रोशनी कुमारी श्रेष्ठ, वडाध्यक्ष उकेश कवां (७) नपां विशिष्ट व्यक्ति पुं नं भःगु खः । कठिन चिवर दानं भिक्षु, भिक्षुणी, उपासक उपासिकापिन्ता छथाय् सं मुनय् गु अवसर बिल । उपसम्पदा भिक्षुपिसं दाय॑ दाय॑ पतिकं स्वलाया वर्षावास अधिष्ठान विनयपूर्वक क्वचाय् क्वगु दिनसं सभ्य पवरणा यासां निसें लच्छया दुनय् छ्याय् विहारय् छक ग्वसः ग्वइगु विशेष चिवर दान उत्सवता कथित चिवरदान उत्सव धार्द ।

ख्वप नगरपालिकाया प्रमुख सुनिल प्रजापतिया मू पाहाँल्य ख्वप नगरपालिका दुनयथा नुगल्वय व उखुम (क्यान्सर) ल्वचं कयो चवंपु नेम्हा कर्मचारी पित्ता नेपाल नगरपालिका कर्मचारी एशोसियसन भक्तपुर नगरपालिका समितिपाखं धेवा ग्वाहाली याय् गु ज्या इवः शुक्रवार जुल । उगु ज्या इवः सं नगर प्रमुख प्रजापति जुं छम्हा छम्हा ल्वगिता ख्वप नगरपालिकाया कर्मचारी पिनिगु छन्ह्या तलवंमुडः ‘धेवा ग्वाहाली’ लःल्हाडः दिल ।

पश्चिमी साम्राज्यवादी देश मेगु दे क्वचाथलयता जुयो चंगु

मंसिर १ त्राटो



खप नगरपालिकापाखं चाय्कः तःगु खप माध्यमिक विद्यालय, खप कलेज व खप कलेज अफ ल या मंकः कुतलय 'प्यालेस्टाइन व इजरायलया दथ्वीया द्वन्द्व' विषयसं कलेजय ज्या साडः चंगु शिक्षक, कर्मचारीत मुडः प्रवचन ज्या भ्रवः जुल ।

ज्या इवः सं नेपाल मजदुर किसान पार्टीया नायो भाजु नारायणमान बिजुक्तुँ (रोहित) जुं प्यालेस्टिनी तय्गु विरुद्ध इजरायल जातीय (सफाया) न्हांक छवयगु तातुडः हमला याडः चंगु नपां सं.रा. अमेरिकां इजरायलता हतियार बियो प्यालेस्तानी तय्ता नरसंहार याक्यता गवाहाली याडः चंगु दः धायो दिल ।

पश्चिमी देश याय् पिसं दे क्वचा थय्गु कुटिल पला छियगु अनुभव दःपुं 'कतल्वाकः थमनं राज्य याय सःपुं' खाँ काडः दिसे सोभियत संघ तछ्यायता सं.रा. अमेरिकाया लाहा दः गु खाँ काडः दिल ।

प्यालेस्टाइनता इजरायल यागु आक्रमण युद्ध मखुसे थः यत्थे यागु हमला खः धायो दिसे नायोभाजु रोहित जुं देशभक्त न्यायप्रेमी जनतां प्यालेस्टेनी जनताता यागु वर्वर आक्रमणता तस्कं निन्दा व कुखियमः धायो दिल ।

ल्यासे ल्यास्तोपुं व ब्वनामिपित्ता देश विदेशया राजनीतिक संघर्षया खाँ थुइकः वियमः धायो दिसे वयकलं इतिहासया अध्ययनं न्हपा जुगु गलित हक नं मयाक्यता गवाहाली याइ धायो दिल ।

नेपः मिपुं युद्धया विरोध व शान्तिया पालिडः चंगु खाँ वयकलं काडः दिसे हलिमय गुलिनं युद्ध जुई व फुक्कया दुनयया खाँ अर्थतन्त्र थःगु लाहात्य लाक्य्गु तातुना खः धायो दिल ।

खप नगरपालिकाया प्रमुख नपां कलेज व्यवस्थापन समितिया नायोभाजु सुनिल प्रजापतिं युद्ध भूमि इजरायलय नेपः या ब्वनामिपुं सीगुलि देया शासकपुं जिम्मेवार खः धायो दिसे ज्वडः तः पुं नेपःमि पिन्ता त्वतक्यता नेपः या सरकारं कुतः याय्मः धायोदिल ।

प्यालेस्टाइनय इजरायलया आक्रमण मयाक्यता हलिमय्या

थी थी देश विरोध प्रदर्शन याडः चंगु खाँ व्याकसे वयकलं नेपःमि पिसं नं इजरायलया विरोध व प्यालेस्टाइनया मदिक्क सःथवक च्वनय्मः धायोदिसे वयकलं प्यालेस्टाइनय इजरायल यागु आक्रमण घोर मानवताविरोधी नर संहार खः धायोदिल ।

सं.रा अमेरिका ल्वाभ, मिइम्हा बञ्ज खः धायो दिसे प्रमुख प्रजापति जुं इजरायलता सं.रा. अमेरिकां १५ अर्ब डलरया ल्वाभ, ब्यूगु अलय हतियार मियता है अमेरिकां हलिमय्या थी थी देशय ल्वाकः चंगु खाँ काडः दिल ।

प्रमुख प्रजापति जुं देशय सङ्कट जुइबलय सङ्कटं प्याहाँ वयगु लाँपु क्यनय्गु ज्या बुद्धिजीवी पिसं याय्मः धायो दिसे देया अस्तित्व व स्वाधीनताया पालिडः जनता गवाक्य्गु ज्यानं बुद्धिजीवीपिनिगु खः धायो दिल ।

ब्वनामिपित्ता देश भक्तिया भावनां गवाकः राष्ट्रिय व अन्तर्राष्ट्रिय राजनीतिया खाँ काडः सचेत याक्य फःसाजक भविष्य चकानिगुलि थव्हाँ थुइकेता सचेत याडः दिल ।

खप नगरपालिकाया उप-प्रमुख नपां कलेज व्यवस्थापन समितिया उपाध्यक्ष रजनी जोशी जुं हलिमय जुयो चंगु घटना स्वयो नेपालनं ज्ञान काय मःगु खाँ व्याकसे साम्राज्यवादया विरोध न्हयाब्लैं हदाय लाय्मः धायो दिल ।

शिक्षक, कर्मचारीपुं थः गु स्वार्थया लागिं मखुसे समाजता भिंजुइगु काथंज्या साडः राजनीतिक रूपं गवाकः च्वनय्म मः धायो दिल ।



ज्या इवःसं खप कलेजया प्राचार्य प्रकाश कुमार श्रेष्ठ, खप मा.वि.या प्राचार्य लक्ष्मी प्रसाद कर्मचार्य इजरायल व प्यालेस्टाइन द्वन्द्व व इतिहासया खाँ पिब्बयो दिलसा शिक्षक कमिनिका न्याइच्याई तं न्वचु तयो द्यूगु खः ।

सचिव नीब्यगूगु खप पौ. बःछि पौ(पाक्षिक)

जनवादी गणतन्त्र चीनया चिङ्काड्शान नगरपालिकाया उप प्रमुख वाडः ह्वामिड ख्वपय्

मांसिर ३ जाते

खप नगरपालिकाया प्रमुख सुनिल प्रजापति जु नपां जनवादी गणतन्त्र चीनया चिङ्काड्शान नगरपालिकाया उप-प्रमुख वाडः ह्वामिड जुं आइतवार नपालाडः दिल ।



सांस्कृतिक नगर खपय लसकुस यासे नगरप्रमुख प्रजापति जुं नेपः दे व चीन दथ्वीया ऐतिहासिक सम्बन्ध थौं कहे थी थी आयाम नपां क्वातयो वांगु खाँ ब्याकसे उच्चतहया चिनियाँ प्रतिनिधिमण्डल पुं नेपाल भ्रमण भःगुलिं लसकुल याय् लाइकगु खः धायोदिल ।

नेमकिपा वैज्ञानिक समाजवादय् विश्वास याइगु पार्टी जुगुलिं नेमकिपाया जनप्रतिनिधिपिसं दे व जनताया निःस्वार्थ सेवा याडः च्वंगु खाँ ब्याकसे वयकलं खप नगरपालिकां शिक्षा व स्वास्थ्य थजगु आधारभूत विषयता हदाय तयो ज्या साडः वयो च्वंगु नपां खप नगरपालिकां खप विश्वविद्यालय निःस्वानय्ता ज्या साडः च्वंगु खाँ ब्याकः दिल ।

चिङ्काड्शान नगरपालिकाया उपप्रमुख ह्वामिड जुं खप यागु लमुगु लसकुस व काथांचिंक हायैंपुक चाहिल स्वयगु ब्यवस्था यागुलिं सुभाय देछासे नेग् नगरया दथ्वी मैत्रीपूर्ण सहरया स्वापु तयो थी थी विषयसं मंकः ज्या साडः हज्याय्

फैगु खाँ ब्याक दिल ।

चिङ्काड्शान चीनया च्याड्सीप्रान्तया दक्षिण पश्चिम लागाया महत्वपूर्ण नगर खः धायो दिसे वयकलं पर्यटन व संस्कृतिखय् खप दे व चिङ्काड्शान नेगू सहर अपलं खायैं ज्वः ला धायोदिसे चिङ्काड्शान चिनियाँ कम्युनिस्टपार्टी व चिनियाँ जनगणतन्त्र न्ह्याकगु थाय् खः धायो दिल ।

उगु पुचःता खप नगरपालिकाया उपप्रमुख रजनी जोशी खपया लाय्कु ध्वाकाय् लसकुस यासे वयकपिन्ता खपया सांस्कृतिक व ऐतिहासिक सम्पदा स्वकय् यंकल । नपां उगु पुचलं खप नगरपालिका पाखं चाय्कः तःगु खप इञ्जिनियरिङ कलेज, खप कलेज अफ इञ्जिनियारिङ, खप अस्पताल, खप कलेज, खप मा. वि. व खप कलेज अफ ल नं स्वकय् यंकगु जुल ।

उगु पुचलय चिङ्काड्शान नगरपालिकाया मुख्य प्रशासक लोड ल्यान हवाउ, माओपिड नगर समितिया पार्टी सचिव लि स्याओ फेड, चिङ्काड्शान नगर स्वास्थ्य कमिसनया निर्देशक, चिङ्काड्शानया उप निर्देशक उ जुआन, जुआन नपां भःगु जुल । उगु नपा लाय्गु भ्वलय् नगर प्रमुख प्रजापति व उप प्रमुख ह्वामिड जु पिनि दथ्वी उपहार कालबिल नं जुल ।



सचिव नीन्यगृगु खप पौ. बःछि पौ(पाक्षिक)

साम्राज्यवाद व जातिवादया विरोध सकल देशभक्त,

स्वाभिमानी नेप: मिपिसं मयासे मगा - का. रोहित

मंसिर ९ गते

खप । साम्राज्यवाद व जातिवादमा विरोध याय्गु छम्हा छम्हा देश भक्त स्वाभिमानी नेप:मि पिनिगु दायित्व ख:। देया स्वाधीनता व अस्तित्व ल्यंक: तय्या निति ल्वाड: च्वंपु प्यालेस्टानी जनताया आन्दोलनता समर्थन नपां ऐकेवद्वाता प्वक्यम: । साम्राज्यवादी दे अमेरिकाया साथ व गवाहालीकायो प्यालेस्टाइनं प्यालेस्टानी जनतातय्ता लिड: छ्वयगु, स्याय्गु ज्यायाता कुंखिड, विरोधयाय् म: ।



च्वया विच: नेपाल मजदुर किसान पार्टीया नायो नारायण मान बिजुकछु (रोहित) जु पाखं पीस्वकगु नेपालभाषा साहित्य तःमुँज्या व सांस्कृतिक ब्याक्षरासं पिदाङ्गु हुला प्याखं, छ्धाप्याखं व ख्याल ख्य् तःलापुं पुच: ता सिरपा व गवाहालीमिपिन्ता मतिनाया च्विं लः ल्हाय्गु ज्या इवःसं प्वकं: द्यूगु ख: ।

पीस्वकगु नेपालभाषा साहित्य तःमुँज्या गवस: गवगु उगु ज्या इवःसं नेमकिपाया नायो भाजु बिजुकछु जुं प्यालेस्टानी जनताया हाँग: हे ल्य थाड: छुं छुं हे ल्यं मदय्क: जातीय सफाया याय्गु तातुडः इजरायलं प्यालेस्टाइनसं यागु बर्बर आक्रमण व नरसंहारया विरुद्धय स: थ्वक्यगु फुक्क देशभक्त व अन्तर्राष्ट्रवादी पिनिगु कर्तव्य ख: धायोदिसे प्यालेस्टानी जनताया संघर्षशील भावनाता हानय्म: धायोदिसे मुक्तिया निति यागु आन्दोलनय् जनताता साथ व गवाहाली याय् मःगु खाँ ब्याकसे थजगु खाँ न्हुँगु पुस्ताता नं काँ कां ध्वाथुइक यंक्यम: धायो दिल ।

व्यक्तं प्यालेस्टानी जनताया न्यायपूर्ण आन्दोलनया पालिडः ब्बनयकुथिया ब्बनामिपिसं यागु आन्दोलन ईं काथं बालागु व मःगु

ख: धायोदिसे थुजगु खाँ न्हुँगु पुस्ताया दथवी थ्यंक: सिइके बियता आन्दोलन, संघर्ष, साफू पिथानय्गु व च्वसुत च्वच्वं वानय्म: धायो दिल ।

देया स्वाधीनता, सार्वभौमिकता, जनताया समस्या ज्वडः आन्दोलन याइपुं क्रातिकारी पिन्ता च्वछायो च्वंगु खाँ ब्याकसे नायोभाजु रोहित जुं साम्राज्यवादी देश तय्सं भियतनाम, कोरिया, लाओस, कम्पुचिया (कम्बोडिया), लिबिया, क्यूबा, चिली, बोलिभिया, अफगानिस्तान थजगु थीथी देशय् हतालं कयो, दबाब बियो, आर्थिक नाका बन्दी याडः सेना तैनाथ याडः च्वंगुया विरोधय् नेमकिपां संघर्ष यायां वगु खाँ ब्याकसे देश व जनताया पालिडः संघर्ष याइपुं वा ह्योंगु ध्वायें ब्वयकिपुं क्रातिकारीपिनिगु योगदान कुल दिसे शोषित पीडित जनताता याडः च्वंगु, दमन क्वत्यला, अत्याचारया विरोध याय्म:, अन्यायलय् लापुं पीडित पिन्ता साथ बियम: धायोदिल ।

अमेरिकां भियतनामय् यागु आक्रमणया विरोधय् नं नेमकिपां संघर्ष यागु खाँ कुल दिसे व्यक्तलं अमेरिकी सेना भीथाय् द्व्हैं वडगु देया अस्मिताय् हे घ: लाइगु एमसीसी सम्भौता विरोधयाडः लिता छ्वय मःगुलि उकिया अख: पास याडः देशता बर्बाद याय्गु लापुइ यंकगुलि चिन्ता प्वक दिल ।

प्यालेस्टानी जनताया पुसा हे मदय्क सखाप याय्गु तातुडः मचाखाचात व बुहाबुही व चिकित्सक पिन्तानपां बम क्यक: इजरायली सेनां नर संहारयागुलिं थुकिया विरोध याय मःगु खाँ कुलः दिसे व्यक्तलं अन्याय, क्वत्यला व नरसंहारया विरोधय सकलिं छ्प्पा जुयो दानय् म:, फुक्कासिता थानय् म: । थजगु घटना नेपालय नं जुय फःगुलि अःनिसें फुक्क सचेत जुयो च्वनयम: धायोदिल ।

नेमकिपाया छ्याङ्जे नपां संघीय सांसद प्रेम सुवाल जुं प्यालेस्टानी भूमिता इजरायल दक घोषणा यागु ७५दा दत धायोदिसे वांगु असोज ५ गते इजरायली प्रधानमन्त्री नेतन्याहुं सं. रा. संघया महासभासं प्यालेस्टानी भूमि ह्यो न्हुँगु मध्यपूर्वया नक्सा क्यना । असोज २० गते प्यालेस्टानी तय्गु लडाकू संगठन हमासं इजरायलता जबाफ बिला । उगु घटनाय् इजरायलय् ‘सय्केगु व कम्येयाय्गु’ ज्याखय् छ्वपुं हिम्हा नेप: या ब्बनामिपिनिगु ज्यात वानसा छम्हा अःतक नं बेपतातिनि । युद्ध भूमि इजरायलय् नेप: मिपुं व नेप:या ल्यासे ल्याम्हो पिन्ता ज्याखय् छ्वपुं सरकारया प्रधानमन्त्री, मन्त्री,

सचिव व म्यानपावर कम्पनीया न्ह्याकामिपु इजरायलय सीपुं नेपः
या ब्वनामिपिनिपुं दोषी खः ।

वयकलं अमेरिकी राष्ट्रपति बाइडेन इजरायली प्र.म.
नेतन्याहुता ल्वाभः बियो ल्वाकः च्वंगु खाँ कुलः दिसे इजरायली सेनां
गाजाया अस्पतालय आक्रमण याडः, डाक्टर नर्सतय्गु नपां ज्यान
कः गुया विरोधय अमेरिका, क्यानाडा, बेलायत, फ्रान्स, अस्ट्रेलिया
लाखौं मनूत सडक्य् वयो प्यालेस्टेनी जनताया पालिङ् समर्थन
याडः च्वंगु दः धायो दिल ।

नेमकिपाया ल्यासे ल्याम्हो, ब्वनामिपिसं कार्तिक १७ गते
प्यालेस्टाली जनताया पालिङ्: यैं व मंसिर द गते विद्यार्थी हित
समितिया ग्वसालय ख्वप्य् युद्ध्या विरोध यागु खाँ कुल दिसे इजरायली
हमासय् प्यालेस्टानी मिसात व मचाखाचात नपाँ द्वलंद्व मनूत सीड
च्वंगु इलय नेपःमिपुं सुकः च्वनय् मज्जु, उकिं जिमिसं विरोध याडः
च्वडागु खः धायो दिल ।

प्यालेस्टानीतय्गु छैं बैं यहूदी पिसं न्यागु खः । नेपालय् न
स्वनिंगलय् रैथानेतय्गु जग्गा न्याइपूं द्वैं वयोच्वंगु दः । स्वनिगः या
ल्यंदनिगु बैं जग्गात न आवासया निति छ्यलय्गु मतिं काठमाण्डौं
उपत्यका विकास प्राधिकरणं नक्सा दयक तःगु दः । भीसं उकिया,
विरोध यायमः नपां देया माथांवांक विकास याय्ता सरकारता छ्वाड
च्वनय् मः धायो दिल ।

नेमकिपाया केन्द्रीय दुजः नपां ख्वप नगरपालिकाया प्रमुख
सुनिल प्रजापति जुं उथिंग्रंक व माथांवांक विकास याय्गुलि ख्वप
नगरपालिकां बालाक थू धायो दिसे ज्याख्य् पंगः थानयृता अपलं थी
थी दुःख बियो च्वंगुलिं गुलि योजनात हछ्याय् मफुगु खाँ नं काडः
दिल ।

थव तं न्हपां निसें हे विश्व विद्यालय चाय्केगु ज्या ख्य् पंगः
याडः वयो च्वंगु खाँ कुल दिसे वयकलं सद्कटया इलय् हे शत्रु व
मित्र म्हासिङ्के फैगु खाँ काडः दिल । छख्य् पाख्य् सरकारं
अस्पतालता बियमःगु बीमाया धेबा मब्यूसे च्वंगू मेदख्य् बागमती
प्रदेश विशेष अनुदान पाखं बियमगु ग्वाहाली ध्यबा मब्यूसे पाडः
विकासय् पंगः याडः च्वंगु दः धायो दिल ।

ख्वप नगरपालिकां याडः च्वंगु ज्यायाता देश विदेशं नं
च्वछायो च्वंगु इलय् छम्हा नेम्हा मनूतय्सं तुति लुयगु ज्या याडः
वयो च्वंगु खाँ काड दिसे ख्वप देता नमूना सहरकाथं हछ्याय्ता अभ
जिम्मेवारीपूर्वक ज्या साड च्वनय्गु विश्वास प्वंक दिल ।

नेमकिपाया केन्द्रीय दुजः नपां वागमती प्रदेशया सभासद
सुरेन्द्रराज गोसाईजुं भाय्, साहित्य व कलाया विकास व संरक्षण
याय्ता समाजय ह्यूपा ह्ययालागि लाँपु चाय्केगु ज्या न्ह्याब्लें जुयो
च्वनि धायोदिल ।

धात्थेंगु सिद्धांत व धात्थेंगु बिचः जनताया दथ्वी थ्यंकय्गु

सचिष्ठव नीन्यगूगु ख्वप पौ, बःच्छि पौ(पाक्षिक)

ज्या न्ह्याब्लें हज्याडः च्वनि धायोदिसे वयकलं राष्ट्रिय व अन्तर्राष्ट्रिय
समुदायसं जुगु न्यायपूर्ण आन्दोलनया समर्थन व ऐकबद्धता प्वंकय्
मः धायोदिल ।

अराजनीतिक ज्यात याइपुं, फयखा ल्हाडः भांगः लाय्गु
ज्या याडु जुइपुं नपां तापाक्क च्वनय मगु नपां एमसीसी समझौता,
व नागरिकता विधेयक पारित यागु इलय् म्हूतप्व तिडः च्वंपु दलता
व अभियन्तात थौं भ्रम ह्वलः जनताया संघर्षता मेदख्य् फहिङ्केता
स्वयो च्वंगु दः धायो दिल ।



अन्याय्या बिरोधय् ह्लिमय ब्याकः विरोध प्रदर्शन व सभा
जुयो च्वंगु इलय नपां नेपाली शासक पिसं नुवायगु औँट मयागु खाँ
कुल दिसे वयकलं नेमकिपां प्यालेस्टेनी जनताया आन्दोलनता ऐकेबद्धता
प्वंकसे अन्तर्राष्ट्रिय धर्म निर्वाह याडगु खाँ काडः दिल ।

नेमकिपाया केन्द्रीय दुजः नपां वागमती प्रदेशया सभासद
मयजु सृजना सैजुं नं नेपाल भाषा साहित्य तः मुज्जां नं जातीय
नरसंहारया विरोध यासे वर्गीय चेतना थाडः च्वंगु दः धायोदिसे
प्यालेस्टेनी जनताया देशया पुसा हे मदयक धूयाय्गु मतिं इजरायलं
हताल कः गुया विरोधयासे उगु आक्रमण संसारयाय् हे क्रुर हमला
व युद्ध अपराध खः धायोदिल ।

महाशक्ति जुयगु मति हतालं कइपुं साम्राज्यवादी देश
अमेरिका छन्हू अवश्य गालय दुनिगु खाँ नं वयकलं ब्याक दिल ।

नेपाल भाषा साहित्य तः मुज्या गुथिया नायोभाजु आशा
कुमार चिकबञ्जारया सभानायो ल्य् ज्ञागु उगु सभासं ख्वप अस्पतालया
डा. मजेश प्रताप मल्ल, ग्वसाखलया नायो बलराम सिबञ्जार व
ग्वसाखलया दांभारी पुरुषोत्तम तमखंपिसं नं न्वचु तयो द्यूगु खः ।

ज्या इवःसं सभाया मूपाहाँ का, रोहित जुं ख्याल, छधा
प्याखं व हुलाप्याखनय तःलापुं व क्वः छिनामिपित्ता सिरपा सुभाय्पौ,
पाहाँपुं संघीय सांसद प्रेम सुवाल व नगरप्रमुख प्रजापति जु पिसं हूँ द्वैं
ज्याली भः पित्ता मतिनाया चिं लःल्हाडः द्यूगु खः । नपां मूपाहाँ
नेमकिपाया नायोभाजु विजुक्छैं जुं तः मुंज्याया ख्वःपौ नं पित ब्वज्या
याडः द्यूगु खः ।

सचिवत नीन्यगृगु ख्वप पौ, बःष्ठि पौ(पाक्षिक)

ल्यासे ल्याम्होपुं विदेशय् छ्वयो बुँ ज्या हज्याकय् मफैगु

ख्वप नगरपालिका वडा नं २ सं जूगु चा परीक्षणया शिविरसं न्वचु तयो दिसे ख्वप नगरपालिकाया प्रमुख सुनिल प्रजापति जुं कृषिप्रधान देश धःगु भीगु देशय् तरकारी, अन्न, सिसाफल, ला (डा, मैं, खसी, खा:) या निति मःगु पशु पंक्षीत न्यायता जक दाच्छिया थयें मथयें तीन खर्बतका दांया न्याय् मायकः व्यूम्हा सरकारं कृषिखय् नपां कतया भरय च्वनय मायकः व्यूगुदः धायोदिसे ल्यासे ल्याम्होपुं फुक्क विदेशय् छ्वयो भी गथे कृषिखय् थःगु तुतिखय् दानय् फै धायोदिल ।

ख्वप नगरपालिका पाखं न्ह्याकः च्वंगु देको मिबा इटापाकय् आवास योजनाय् वयो च्वंगु छुं भाति समस्याया खाँ ब्याकसे वयकलं छुं न खाँ विवाद जुलिकं व ज्यंकय्ता नपां च्वडः खल्हाबल्हा (संवाद) व नेगुं पक्षया सहमतीं याय फै । छुं नं गुनासा (धाय्मगु खाँ) दःसा व न्यनिगु समिति नं दः । जवर्जस्ती ज्याखय् पंगः थान धःसा अः लिपा लः वांगुया जिम्मेवारी नं अमिसं हे काय् मः । नपां समस्या ज्यंकय्ता जिपुं जनप्रतिनिधिपुं न्ह्याब्लें कुतः याडः च्वनयं धायोदिल ।

वडानं २ या वडाध्यक्ष हरिप्रसाद वासुकलां ख्वप नगरपालिकाया आयोजनाया खाँ ध्वा थुइकः काडः दिसे गुनासो अध्ययन समिति छ्गू छ्गू खाँ न्यडः समस्या, ज्यंकय्गु कुतः याडः च्वंगु खाँ काडः दिल । थुगु आयोजना जनताया भियाय्ता हे याडः च्वंगु खाँ ब्याकसे नगरपालिका व जनप्रतिनिधिपित्ता योयो थें धाय्गु



मिलय मजू धायेदिल ।

ख्वप नगरपालिका कृषि समितिया कजि राजकृष्ण गोरां नगरबासी पिसं थः थःगु जगगाया चा याय्गु गुण सिइके बियगु, उर्वरशत्ति अप्वयकेगुनिति चाया परीक्षण याड च्वंगु खाँ ब्याकसे ख्वप नगरपालिकां कृषकपित्ता दांकः कम्पोष्ट सः बियो वयो च्वंगु खाँ नं काडः दिल ।

ज्या इवः सं कृषि प्राविधिक रवि ख्याजुं चा जाँच याय् मःगु छाय् ? थुकिं छु ? जुइगु खाँ ब्याक दिलासा थुगु शिविरं ख्वपया चाया बारे सय्के सिइके ता गवाहाली जुइगु खाँ धःगु दः ।

स्वःर्फाल

सकिमा पुन्ही खुनुं ख्वप नगरपालिका दुनयथा त्वालय-त्वालय ब्ययो तःगु हलिमली ब्वज्या (नसा ब्वज्या) ख्वप नगरपालिकाया प्रमुख सुनिल प्रजापति जु स्वःभाल । ख्वपया थी थी सम्पदा लागाया हनय् अन्नया हलिमली दयक दाफा भजनया भक्तजनपिसं भजन हालिगु चलन दः ।



थुगुसिया सकिमा पुन्हीया लसतया त्वालय त्वालय ब्वइगु हलिमली (नसा ब्वज्या) या किपाया धिं धिं बला नं जुइगु सूचं काथं २०८० मंसिर १७ गते दुने नगरपालिका कार्यालयया कार्यालयया ई दुनय किपा नपां दर्ता याड दियता स्वापु दपुं सकल सिता सूचं नं ब्यूगु जुल ।



‘डेढ़ापा झ्यो या दरवार’ ‘म्यैं संकिपा पिताभ्वज्या’

मंसिर ११ गते

ख्वप नगरपालिकाया प्रमुख सुनिल प्रजापति जुं जनकवि दुर्गलाल श्रेष्ठया च्वसांपिज्वःगु नेवा म्यैं, न्हू बज्ञाचार्यया संगीतय सत्यनारायण मानन्धरं सः तयो द्यूगु म्यैं संकिपा उलेज्या याडः दिसे अपलं जनताया भिं जुइगु काथंया साहित्य च्वयगु हे साहित्यकार पिनिगु प्रगतिशील पला खः उकिं जनताया पा लिडः नुवाडः बिडगु साहित्य जनताया साहित्य जुइगु खाँ व्याकसे वयकलं समाजय् ह्यूपा ह्यूपा मतिं जनताया साहित्य पाखं, म्यैं, संगीतपाखं याय् फैगु खाँ काडः दिल ।

सांस्कृतिक व पुरातात्त्विक ल्याखं महत्वपूर्ण सम्पदात ल्यंकः म्वाकः तयगु सकलसिया मंकः ज्या खः धायोदिसे वयकलं ‘ड्यूडापा झ्यो’ म्यैं संकिपासं हलिमय नांजःगु ड्यूडापा झ्योया प्रचार नपां पर्यटन प्रबद्धनय् नं ग्वाहाली जुइगु खाँ व्याकसे ख्वप नगरपालिकां थानाया सम्पदाया खाँ व महत्व न्हाँ पुस्ताता थुके बियूता व्वनयूकुथिसं स्थानीय पाठ्यक्रम दयक ल्वकः वयागु खः धायोदिसे साहित्य समाजय् ह्यूपा ह्यूपा ह्यूता स्यल्लाग् ज्याभः जुयमः धायोदिल ।

ज्याभ्कः या सभाया नायो जनकवि दुर्गलाल श्रेष्ठं भायता ल्यंकः म्वाकः तयगु गम्भिर रूपं स्वयमः गु खाँ व्याकसे नेपाल भाषा साहित्यिक दृष्टि नं तःमि धायो दिल ।

सच्छिव नीन्यगूगु ख्वप पौ. बःछि पौ(पाक्षिक)

‘म्यैं संकिपा पिताभ्वज्या’



अथेहे स्मारक संरक्षण एवम दरवार हेरचाह अङ्गडा ख्वपया प्रमुख अरुणा नकर्मी थुगु म्यैं ऐतिहासिक व सन्देशमूलक खः धायो दिलसा इतिहासया अनुसन्धानकर्ता ओम धौभडेलं ड्यूडापा झ्यो व उगु म्यैंया पृष्ठ भूमि काडः दिल । थुगु म्यैं संकिपाया निर्माता रजनी केसी मानन्धरं सुभाय् देहःगु, गायक सत्यनारायण मानन्धर निर्देशक विश्वास बज्ञाचार्य, नेवा:दे दबुया नायो पवित्र बज्ञाचार्य, कवि विष्वव प्रतिक, च्वमि प्रकाश सायमि, गायक लक्ष्मण पलिखेलं न्वचु तयो द्यूगु खःसा मू पाहाँ प्रजापति जुं म्यैं संकिपाया सकल पुचः प्याखं म्वः पिन्ता मतिनाया चिं लः ल्हाडः द्यूगु खः ।

पर्शुराम नगरपालिकाया प्रमुख जोशी ख्वप नगरपालिकाय

मंसिर १२ गते

ख्वप नगरपालिकाया प्रमुख सुनिल प्रजापति जु नपां डेलधुरा जिल्लाया पर्शुराम नगरपालिकाया प्रमुख भरत वडायर जोशी जुं सोमवार ख्वप नगरपालिकाय् भायो नगरपालिकां याडः च्वंगु ज्यात, बजेट व्यवस्थापन, राजश्व मन्यगु ज्या, शिक्षा, स्वास्थ्य, विकास निर्माण थजगु थी थी ज्यातयगु अनुभव कालबिल याडः दिल ।

नगर प्रमुख जोशी जु याता लसकुल यासे प्रमुख प्रजापति



जुं ख्वप नगरपालिकाया विशेषता काडः दिसे जनताया दथवी ज्या सानय् बलय् जनताया ग्वाहाली दःगु हे ख्वप नगरपालिकाया बांलागु पक्ष खः धायो दिसे भूगोलया ल्याखं देया चिच्याहांगु नगरपालिका जूसां सांस्कृतिक ल्याखं देयाय् हे महत्वपूर्ण नगरपालिका जूगु अलय् ख्वपया पर्यटन विकासता बः याडः च्वंगु नं खाँ व्याक दिल ।

स्थानीय तहं थः थः गु लागाय् दःगु प्राकृतिक स्रोत साधन याता छ्यल अपलं आम्दानी याय् फैगु खाँ व्याकसे वयकलं ख्वप नगरपालिकां सामुदायिक शिक्षाख्य् सुधारयाड यंकसेलिं शैक्षिक लागाय् देया च्वजःगु थाय् जुय फःगु खः धायो दिल ।

वहे इवःलय पर्शुराम नगरपालिकाया प्रमुख जोशी जुं डेलधुरा जिल्लाय् च्वंगु थुगु नगरपालिकाया मुक्क क्षेत्रफल ४९४.०७ वर्ग कि.मि. दःगु ख्वपया ख्वप मोडेलं थः ता बांलागु लिच्चवः लागू अलय ख्वपया शिक्षा, स्वास्थ्य पर्यटन सुचुकुचु थजगु विषयं छुं सय्केगु मतिं ख्वपय् वयागु खाँ काडः दिल । नपालाय् गु इवःलय् उपप्रमुख रजनी जोशी, प्रमुख प्रशासकीय अधिकृत विजय कुमार शर्मा नं भःगु खः।

सचिव नीन्यगृह खप पौ, बःछि पौ(पाक्षिक)

पुरातत्व विभागया पुचः थन्थु दरबार दाडः च्वंथाय्

पुरातत्व विभागया महानिर्देशक शौभाग्य प्रधानाङ्ग, प्रमुख पुरातत्व अधिकृत राम बहादुर कुँवर, वरिष्ठ पुरातत्वविद् कोष आचार्य व दुर्हाम विश्व विद्यालयया प्रो. रोविन कनिङ्घम,

प्रजापति जु २०७२ सालया तः भवखाचां स्यंकः ब्यूगु थुगु नगरपालिकाया पुलांगु भवन थन्थु दरबार दानय् ज्या बहुवर्षीय योजना काथं हज्याडः च्वंगु उगु दरबार



स्मारक संरक्षण नपां दरबार हेरचाह अड्डा खपया प्रमुख अरुणा नकर्मीनपांया पुचलं मंगलबार खप नगरपालिकाया पुलांगु भवन थन्थु दरबार दानयता ज्या साडः च्वंथाय् भायो स्वः भाल ।

खप नगरपालिकाया प्रमुख सुनिल प्रजापति व उपप्रमुख रजनी जोशी पुं नं भःगु उगु पुचलय् नगर प्रमुख



मल्लकालया शैली दानय् काथं नगरपालिकां हज्याडः च्वंगु खाँ ब्याक दिल ।

खप नगरपालिकां फुक्क लागत थमतं हे तय् याडः पुरातत्व विभाग नपां नक्सा स्वीकृत याकः पुलांगु भवन थुय धुङ्कः पुरातत्व विभाग नपां मिलय ज्यो उगु दरबार दानय् ज्या ज्यो च्वंगु खः ।

निःस्वानय् ज्या इवः

मंसिर १३ गते

खप नगरपालिका वडा नं. ७ खाँहे (हनुमानघाट) या सम्पदा राम सीता व बद्रीनारायो ल्हवनय् कानय् ज्या याय् इवलय् थाँ खप नगरपालिका वडा नं. ७ या वडाध्यक्ष उकेश कवां जु सुथसिया शुभमुहुतय निःस्वानय् ज्या जुल । पवित्र तिर्थस्थल खाँह्या उगु राम सीता व बद्री केदारया मूर्ति अति प्राचीन धाय् खाँ विज्ञपिसं धायो च्वंगु दः । खप नगरपालिकाया सम्पदा ल्यंकः म्वाकः तय् इवलय् थुगु ज्या नं न्ह्याकगु खाँ स्वापु दः पिसं धायो द्यूगु खः ।

उगु ज्या इवः सं न्वचुतयो दिसे वडाध्यक्ष उकेश कवां जु हनुमानघाट नेपःया धार्मिक तिर्थस्थल मध्ये महत्वं जःगु थाय् धायो दिसे थुगु थाय् खपया जनताया भावनात्मक रूपं छपा छधि याइगु थाय् काथं हज्याडः च्वंगु दः धायो दिल । वयकलं पुर्खा दय्क तकगु पुरातात्विक महत्व कः घाडः च्वंगु सम्पदाता ल्यंकः म्वाकः तय् मधायो दिसे तः भवखाचां स्यंकः ब्यूगु १४५ गू सम्पदात खप

नगरपालिकां सम्पदा ल्हवनय् कानय् याय् धुङ्क खाँ ब्याक दिल ।

ज्या इवः सं उपभोक्ता समितिया त्वकु भाजु रत्नलाल सादँ



हनुमानघाट मानव समाजनिसँ स्वापु दयो च्वंगु तीर्थ स्थल ज्गुलिं ल्यंकः म्वाकः तय् ता आर्थिक, नैतिक, भैतिक गवाहाली याय् ता इनाप याडः दिल । नपां उपभोक्ता समितिया नायो उद्धव खाइतुं न न्वचु तयो द्यूगु खः ।

सचिष्ठ नीब्यगूगु खप पौ. बःछि पौ(पाक्षिक)

देशभक्तपिसं प्यालेस्टाइनया पा: लिडः नुवाय् मः

मंसिर १३ जाते

खप नगरपालिकाया प्रमुख सुनिल प्रजापति जुँ इजरायल सरकारं प्यालेस्टानी तय्गु आम नरसंहार थाडः च्वंगुलि हलिमयया देशभक्त जनतां प्यालेस्टानीपिनिगु पा लिडः विद्रोहया सः प्वंक्य् मः धायो दिल ।



नगरपालिकाया ज्या इवः व समसामयिक विषयसं खाँ ब्याकय्गु तातुडः खप नगरपालिका वडा नं. ६ या ग्रामसालय् जूगु ज्या इवः सं वयकलं इजरायलय् नेपःया ब्वनामिपुं सीगू दुःख्या खाँ खः अलय् उकिया जिम्मा ल्वापु जुयो च्वंथाय् छ्वपुं सरकार व म्यानपावर कम्पनि काय्मः धायो दिल ।

जातीय हिंसाया दर्दनाक गथे जुई दक अफ्रिकी देश रुवान्डा स्वयंवं गा । आना सन् १९९० या दशकय् हुनु व तुत्सी जातिया दथवी जूगु युद्धख्य् दाच्छिया दुनयँ १० लाख मनूत स्याता । अः इजरायलय् वहे स्थिति दोहरय् याएँ तांगु दः धायो दिल ।

नगर प्रमुख प्रजापति जुँ खप नगरपालिकां निर्वाचनया

घोषणापत्र काथं ज्यासाडः च्वंगु खाँ ब्याकसे जनप्रतिनिधिपुं जनताया सेवाख्य् समर्पित ज्यो ज्या साडः च्वंगु खाँ ब्याकसे खप नगरपालिकाया ज्याख्य् थी थी पक्षं पंगः थाडः च्वंगु खाँ ब्याकः दिल ।

वयकलं नगरपालिकां न्हयाकः च्वंगु देको मिबा इटापाके आवास योजना मथां क्वचाय्केता नगरपालिकां बांलाकः ज्या साडः च्वंगु खाँ ब्याकसे गुलिं मनूत समस्या ज्यंकय्गु स्वयो समस्या थाडः आयोजनाया ज्या हछ्याकय् मवियता कुतः याडः च्वंगु दः धायो दिल ।

गना समस्या दै आना उपाय नं दै, गुनासो अध्ययन समिति समस्या ज्यंकय्ता मदिक्क कुतः याडः च्वंगु दः वयकलं धायोदिल ।

वडा नं. २ या वडाध्यक्ष हरि प्रसाद बासुकलां देकोमिबा इटापाकय् आवास योजना किसान तय्गु भिं यायता हे यागु खः उकिं मनय् व थें नगरपालिकाता कुखियगु मिलय् मजु धायो दिल । वयकलं आवास योजनाया ब्याकक जानकारी ब्यूसे नगरपालिकां लबः नय्ता मखु व्यवस्थित आवास दयकेता योजना हःगु खाँ काडः दिसे जनताता काथं मछिनि जक जिपु न्ह्याब्ले बिचः याडः हज्याय्गु दक धायो दिल ।

नगर सभाया दुजः गोविन्द दुवालं खपया अःया विकास न्हपा यागु किसान आन्दोलन या लिच्चवः खः धायो दिलसा नेमकिपा ६ नं वडा इन्वार्ज गोपी कृष्ण चांगु भारी ख्वप देश्य् हृप्या वगु थानाया जनताया योगदान खः धायोदिल । सभाया नायो ६ नं वडाया वडाध्यक्ष हरिराम सुवालं थी थी योजनाया खाँ काडः द्यूगु खः सा कार्यपालिकाया दुज रोशन मैयाँ सुवालं तं न्वचु तयो द्यूगु खः ।



सचिव नीन्यगृह स्वप पौ. बःछि पौ(पाक्षिक)

बैठक

मंसिर ७ गते

ख्वप नगर प्रमुख सुनिल प्रजापतिया नायोसुइ सामुदायिक घरदैलो नसिंड सेवाया लच्छिया छक चवनिगु बैठक चवंसे हिँगुंतु वडाया वडा नर्सपिसं २०८० कार्तिक महिनाया ख्वप नगरपालिका दुनयथा स्थानीय मनूतयगु थी थी दीर्घरोग, सामान्य रोग, बालरोग, गर्भवती, मचा बुपिनिगु स्वास्थ्य अवस्थाया खाँ पिढवयो दिल । नपां ब्बनयकुथिया नर्स पिसं न थःथःगु प्रतिवेदन पिढवत ।



स्वःभाल

ख्वप नगरपालिकाया उप प्रमुख रजनी जोशी जुं ख्वप नगरपालिका वडा नं ६ सं चवंगु दुबैकिगु फल्चाय् पोल्हँ चियगु ज्या स्वः भाल । उगु फल्चाय् पोल्हँ चियता स्थानीय जनतां श्रमदान याड द्यूगु खः । ख्वप मोडेल काथं थानाया सम्पदा ल्हवनय कानय सं उपभोक्ता समिति पाखं ज्या याइगु खसा अपलं जनतां थःगु भःपियो जनश्रमदान नं याइगु खः ।



रैक्षिक मेला स्वःभाल

मंसिर ५ गते

ख्वप नगरपालिकाया प्रमुख सुनिल प्रजापति जु श्री पद्म मा.वि.या सचिवदा क्यंगु शतवार्षिकी नपां पद्म कलेजया १४ कगु वार्षिकोत्सवया लसताय ग्वसः ग्वगु शैक्षिक मेला प्रदर्शनी मंसिर ५ गते स्वः भाल ।



अन्तरक्रिया ज्या इवः

मंसिर १४ गते

ख्वप नगरपालिकाया प्रमुख सुनिल प्रजापतिया मूपाहाँल्य् ख्वप नगरपालिकापाखं चाय्क तःगु ख्वप मा.वि. देकोचाया ग्वसाल्य् भक्तपुर काण्ड (भदौ ९) याय् सन्दर्भ याता कायो ‘भूठो तथा राजनीतिक मुद्दा’ सम्बन्धी अन्तरक्रिया ज्या इवः जुगु जुल । उगु ज्या इवःसं ख्वप कलेजया प्राचार्य प्रकाश कुमार श्रेष्ठ, ख्वप मा.वि.या प्राचार्य लक्ष्मी प्रसाद कर्मचार्य शिक्षक अधिवक्ता राम प्रसाद प्रजापतिपुं लगायतं न्वचु तयो द्यूगु खः ।



ड़्यूक्कापा इयो या दरवार 'म्यें संकिपा' उलेज्या

(२०८० मंसिर ११ गते)



सकिमना पुन्हीया हुलिमली ब्वज्या

(२०८० मंसिर ११ गते)



जनवाढी गणतन्त्र चीनया चिङ्काड्शाड नगरपालिकाया उप-प्रमुख वाड ख्वपय्
(२०८० मंसिर ३ गते)



पर्णुराम नगरपालिकाया प्रमुख जोशी जु ख्वप नगरपालिकाय्

(२०८० मंसिर १२ गते)

